

IFISHIMA FYATOBKA



Shikulu, Nincetekela; Shikulu, Nincetekela,
Ifintu fyonse kuti fyacitwa; Shikulu,
Nincetekela.

Natutwalililefye ukwimininako pa kashita akanono kabili nokukonteka imitwe yesu.

² Shikulu Yesu, tuleesha munshila yesu iyakwiicefya, ukulangisha kuli Imwe, mukwimba ulu lwimbo, ukutiila natucetekela. Kabili tulepepa, Shikulu, ukutiila nomba, ukutiila Mwalatwalilila uku mokaula Umukate wa Mweo kuli ifwe, ukupela kuli ifwe ico tulekabila ukufuma mu Cebo Cenu. Pantu twaipusha ico mwi Shina lyakwa Yesu. Ameni.

³ Ikaleniko. Ndi uwashininkisha, ngacakuti twaba, ngacakuti Nalanda ukuti icebo caisulamo fyonse ica “ameni,” ukuti amapalo yakalamba aya kwa Lesa yenga twalililapo ukuba pali ili bumba.

⁴ Ninjikala muno lucelo nokukutika mukukonka bwino ku kushimikila, ninsangalala ku bunte ubwingi, inshila ishalekana lekana isho cila umo alandilamo palwakwe. Kabili napa kumfwa napa beshile abeni, munyina wamu Baptisti pano uwishile muku lomba ubwelelo pa kutontonkanya palico ukuba icilubo icinono. Eico Nde—Ndetotela icine cine pakusakamana, umuntu umo uyo uwingaba noku sakamana ukwalinga, nangu—nangu shimucindikwa uwalinga, pamo, ngacakuti atontonkanya ukutiila napanga icilubo. Ena mu cituntulu tacilomba ubwelelo kuli ine, ico tacaciba nikuli ine uko acilalomba ubwelelo, cena caciba kuli Lesa. Eico Nde—Ndetotela pali ico, mwamona. Lesa apale munyina wesu, kabili na munyina wakwe kasabankanya wa mbila nsuma.

⁵ Owe, ulya uwaku Baptisti, namwishiba, Nali ku chalichi ca Baptisti inewine. Nali membala wamu Missionary Baptist Church. Lintu Naisa pakati ka bantu, Ninjishiba ifyo muleumfwa. Naleumfwa mu musango umowine, uwa isulamo icintu cimo cintu Nsha—Nshaishibe.

⁶ Ndeibukisha ukukumanya kwandi ukwakubalilapo ukwa kumona uwamu pentecositi, cali nimu Dowagiac, Michigan. . . Njeleleniko, Nali ku Dowagiac pa bulendo bwa kuloba, kabili Nalebwela ukufuma ku Dowagiac, ukwisa mu Indiana. Kabili eico Namwene amashina, ayakwa “Yesu” ponse ponse pali ba motoka napa fintu, na Ine nakutike ku mashimikilo yabo bulya bushiku. Kabili ubushiku bwakonkelepo ilyo banjipwishe ukwisa ku cintamba, ku kulandapo amashiwi yanono, kabili Nacitile ico. Kabili Ine. . . Banjipwishe i chalichi ico Nabako, na Ine nabebele ukuti Nali Baptisti.

7 Kabili bulya bushiku balikwete umuntuuwafita uwali no kushimikila, kabili aali mu myaka ukufika muma eiite, kabili afumine nokwisa ku cintamba. Uyu umukalamba, bena bale mutungululafye. Ena ali, afwele limo pali yalya makoti yaba shimapepo ayatali, inteneshi ya nsalu yanakilila, kabilifye nakasalu akanono akashunguluka akamasako yabuuta. Na Ine natontonkenye, “Uyu muntu onse pano kabili uasambilila ifya mapepo, umuntu umukalamba, cinshi benga pelela uyu muntu ukushimikila kwati ngefyo? Ukuba, uyu muntu umukalamba afwile aba mu mupando mu ncende imo, naikalako.”

8 Baleshimikila bulya bushiku palwa fintu Yesu acitile pano pe sonde. Kabili, lelo ena abulile, abulile isambilisho lyakwe, Nincetekela lyafumine muli Yobo :7, 20, ntile, Nshileshininkisha ukuti ilyo e Lembo. Nangu cibefyo, ici eca kwambula, nangu icipandwa caico, “Nikwisa waali lintu Nabikile umufula we sonde, lintu intanda sha lucelo shaimbile capamo, nabana bakwa Lesa baweleshe ku nsansa?” Na ena alandile pa fyalecitika mu Muulu, ilyo bene balesosa pa fyalecitika pe sonde.

9 Kabili kuncende kumo, muma mineti basano panuma yakushimikila, ena, u Mupashi wakwa Shikulu wamu poneshe panshi, nao atolweke mu mulu no kupamanya ifitende fyakwe pamo. Owe, pali incende iikalamba nganshi, pali mupepi na citika pali ici cintamba; kabili aile aleenda nokufumapo, nokutiila, “Imwe tamunkwete incende iikalamba pano iya kushimikilapo.”

10 Ukuba, Nali ne myaka kwati mupepi nemyaka amakumi yabili ayakufyalwa ilya nshita. Natontonkenye, “Ngacakuti—ngacakuti cilya kuti cacita filya kuli ulya umukalamba, kuti cancitila nshi ine?” Mwamona?

11 Ukubasungilango ifintu bamunyina ifintu fyonse mu mutande uusuma ba munyina abapya, ukuti cine cine twabapokelela mwisenge lyesu. Ndemona, Ndecetekela nabalanda palwakwa shimapepo uwikele pano, Ndetontankanya; ifyo fine, ukuba umu Irish, abantu bandi niba Katolika. Kabili eico kwali abengi ukucilapo, ba Baptisti naba pusana pusana. Imwe limbi mwaciba aba fulunganako panono, pakashita akanono akapitapo. Nacimona tapaciba nangu umo pa ba bwananyina uwa cilanda pali ico, lelo Naci tontontankanya ukuti Nala esha uku cilungika ico. Lintu Munyina Shakarian. . . Panuma yakwa kashimikila musuma pano acisushiwamo ne nsansa, pakwishiba Ukwisa kwakwa Shikulu kuli mupepi nganshi, ena—ena acilandila mululimi ulu shacishibikwa, kuli ifwe. Kabili natukwata bakelula abo abakupela ubupilibulo. Ico, Amalemba yatiila, “Ngacakuti tapali kelula, nomba lekeni bekale tondolo.” Lelo nga—ngacakuti balandila mu ndimi kabili bapilibula ico, cena ciba busesemo. Eico icimfulunganya cinono ica—ica bonse babili pakashita kamo. Nomba, ico tacaciba ica kufulunganya nelyo panono, mwamona; pantu, umo pali bena

acilapela ukupilibula, umuntu umo acila sesema. Mwamona? Eico efyo cili. . .

¹² Naci tontonkanya ukuti Nalaleka aba bwananyina uku kutuluka, ngacakuti bena tabacikutuluka, pantu umo pali bena acilapela mukulungika. . . Bushe mwacimona inshita yaciposwa pali cila umo? Kabili umubiye acibafye uwa isushiwamo nganshi, umwine, ukutila u Mupashi wakwa Lesa wacila sesema ukupitila muli umo; ukupilibula, umbi nao acilapela ukupilibula. Eico pakutiila cena caba icaumfwika bwino, ukutila imwe. . . ifwe tatuli. . . Inshita shimo, ukuba namano yacifyalilwa. . . Kwatifye nga munyina munyina umusuma watemwikwa kwatifye nga ulya uwacilomba ubwelelo luno lucelo. Cena cilafulunganya panono kumuntu uushakutuluka. Lelo kuli abo abalimo, ababa intukushi shintu tulimo, mulandu nshi, ifwe tuleshiba ico, ifyo ifi fintu fyaba. Eico Ine naci tontontanyafye ukuti Nalalanda icintu cimo palwa ico, ngacakuti ico caciba icalungama.

¹³ Nomba, Ni—Ninjishiba ukuti ino te ncende ya kulandilapo ici. Lelo ukuba umuntu onse acilalanda utuntu utunono, Ine. . . Namwishiba, ulya muntu acitila, uukuti ulya umukalamba uwafita acilanda, “Imwe tamunkwete incende iikalamba iyakuti ine nshimikilepo.” Imwe tamunkwatile *inshita* iyyalinga iyakuti ine nashimikilamo. [Ulukuta lwatota—Kale.] Nokucila ukulanda yaku tendusha.

¹⁴ Umuntu atiile ubushiku bumo, atiile, “Kapyunga aishile, ena ali nikakumba pa chalichi pa myaka amakumi yabili. Kabili lyonse ena aleshimikila ama mineti bwino bwinofye amakumi yatatu cila lucelo pa Mulungu pa chalichi cakwe.” Kabili atiile, “Luno lucelo pa Mulungu, ashimikile insa shitatu.”

¹⁵ Kabili eico ibumba lyaba dikoni lyamwitile mukati, nokutiila, “Kakumba, ifwe twakutotela icinecine.” Batiile, “Ifwe lyonse twalishiba ukuti—ukuti iwe waimininako Baibele ne nsambu sha Iko.” Kabili batiile nomba, “Kabili imwe lyonse mulatulungika ukuti twingaba abapwililika kabili abasuma ku cinso cakwa Lesa. Kabili cinecine tulakutasha, kabili natu cetekela ukutiila iwe uli mubomfi wakwa Lesa. Kabili ifwe icinecine twacitasha ilya mbila yamuno luno lucelo. Lelo,” batiile, “kulifye icintu cimo cintu tulefwaya ukukwipushapo.” Batiile, “Twaci mupela inshita, ngebumba lyaba dikoni.” Batile, “Cila lucelo pa Mulungu iwe ufika bwinobwino pali ba mineti amakumi yatatu, kabili ileelo waciba nensa shitatu.” Batiile, “Nomba, ibukisha, ifwe tule totela pali conse pali ico. Ico cacibafye icalungama.” Pakulenga uyu muntu umukalamba ukumfwa bwino, namwishiba.

¹⁶ Atiile, “Ukuba, mweba bwananyina, Nala mweba ifyo cena cili.” Atiile, “Cila lucelo lintu Naya ku. . . Balanjita ku cintamba,” atiile, “Ine ndabika kamo akamuli tulya tu

Akakusunga Umweo mu kanwa kandi,” atile, “kabili ndonkako kuli kena.” Kabili atiile, “Lintu aka Akakusunga Umweo kapwa,” atiile, “kena kasendafye baminiti amakumi yatatu,” kabili atiile, “nomba Ndaleka ukushimikila.” Ena atiile, “Namwishiba, lelo ulucelo, Ine nacitontonkanya Napitilisha pa nshita panono. Nacikafwisa, Naciba ne pitawa mu kanwa kandi.”

¹⁷ Nshabikemo nangu cimbi, eico tule subila ifwe ukuti tatwabikemo amabatani mu matumba yesu. Lelo twala... Ninsubila ukuti tacile umfwika ukuba ica bukapepa bwacilamo pano. Lelo Nde... Imwe namwishiba, nangufye Lesa aalikwata ukuseksha, imwe namwishiba.

¹⁸ Eico tuletotela apakalamba pakuba pano no kukwata iyi nshita ye senge, kabili—kabili neshi nsambu shikalamba isha kumokola Umukate wa Mweo nakabili, mu nshila yandi inono iya anguka. Ninjishiba, nga abasambilila ifya mapepo, ngafintu ulya muntu alandile pano ubushiku bwafumineko ukufuma ku England; owe, alipata ukwamba umuntu kwati ngefyo, ne sambililo lyandi ifya mu gredi sebeni. Lelo Ninsubila ukuti Lesa alapilibula kuli imwe ubupilibulo ubwa mumutima wandi. Mwamona? Ngacakuti amashiwi yandi tayalungeme, ubwiminishi bwandi, Ni—Ni nctekela, yaali.

¹⁹ Nomba natubelenge mu Malembo. Mwe bengi mwalitemwa ukukonka. Kabili Nalabelenga muno lucelo, pa nshitafye iinono, ukufuma mwi Buuku lyakwa Yeremia, kasesema, chapitala 2, kabili Nalatampila nomba na versi 1.

Nakucilapo i cebo cakwa SHIKULU caishile kuli ine, ciletiila,

Kabiye no kubila mu matwi yabena Yerusalemu, nakutiila, Efyā sosa SHIKULU; Ndeibukisha iwe, pa luse lwaku bwaice bobe, kabili nokutemwa kwakwa nkobekelwa obe, lintu wankonkele mu matololo, kabili na mu calo ico icisha byelwemo.

Israele aali wa mushilo kuli SHIKULU, kabili ifisabo fyakubalilapo pafya kufuula fyakwe: bonse abo abakamulya...kabili bakaba no mulandu; ububi bukesa pali bena, efya sosa SHIKULU.

Umfweni imwe icebo cakwa SHIKULU, O bonse mweba ng'anda yakwa Yakobo, kabili ne ndupwa shonse isha ng'anda yakwa Israeli:

Efyā sosa SHIKULU, Mampulu nshi ayo ba wiso basanga muli ine, icakuti balifuma no kuya ukutali ukufuma kuli, kabili nokukonka ifya fye, kabili nabasanguka ifyabula nangu cimo?

Nangu bena ukulanda, Nikwisa ukuli SHIKULU uyo uwatufumishe ifwe mu calo ca Egypto, kabili

nokututungulula ukutupisha mu calo ca cilala, mu calo ca fiswebebe ne filindimo, mu calo caumisha, kabili ica finshingwa fya mfwa, ukutupisha mu calo ico umuntu tapitamona, kabili. . . umu umuntu taikalamo?

Kabili Namiletele mu calo umwaba ifintu ifingi, ku kulya ifisabo ifyabamo kabili no busuma bwabamo; lelo lintu mwa ingile, mwali koweshe, icalo candi, kabili nokupanga ica bupyani candi icamuselu.

Na bashimapepo tabasosele abati, Alikwi SHIKULU? Kabili a bekatako ku malango tabanjishibe: kabili abacemi bapulmwike kuli ine, kabili ba kasesema bale sesemena muli Baali, no kukonka ifintu ifishinonsha.

Eico Ine nde. . . umana naimwe, efya sosa SHIKULU, kabili abana ba bana benu Nkomana nabo.

Pakuti. . . abukileni ku calo ici ica bona Kiti, nokumona; na mu Kedari, no kulolekesha ukuti, kabili mumone nga kwabe cili ngeci.

Bushe kuli uluko ulwakaabule milungu ya luko, ili. . . shili milungu? lelo abantu bandi nabakaabulo bukata bwabo mucintu ico icishaba necinonsha.

Papeni, pali ici, Mwe myuulu, no kuba abamwenso ngaanshi, . . . inkumba bulili nganshi, cisemo cakwa SHIKULU.

Pantu bubili ububi ubo abantu bandi bacita; basuula ine ne kamfukumfuku ka menshi ya mweo, kabili noku ifukwila ifishima, ifishiba fya tobeka, ifi shingekalamo amenshi.

²⁰ Nalundeko Shikulu amapalo Yakwe ku kubelenga kwa Fyebo Fyakwe. Kabili kuti Natemwa uku—uku bulapo isambililo apo, nga, *Ifishima Fyatobeka*.

²¹ Lintu, mukubelenga ili Lembo muno lucelo; ico, Amalembo yonse yapelwa ukupitila mukusubwa. Kabili twisa ku Ng'anda yakwa Shikulu ku kulungamikwa na ku kumfwikisha. Kabili inshita shimo ilyo twamona u. . . akantu akali konse mu nshila.

²² Nga uyu mwaume umushilika, inshita yapita, alelanda kuli ifwe kabili ukulanda ukuti ifintu fimo, ifyo nalimo limbi mu calo cimo ica kwata umunshinga umo, nangu—nangu icintu cimo ica pali ubo ubwishibilo, kabili tufwile ukusanga icintu cimo ica ku lwisha ico mu—mu mano yabushilika.

²³ Ukuba, icintu cimo cine cilaba mu chalichi, ku parishu uko umwaume aleshimikila, nangu ngacakuti ena ni kasabankanya mwi bala. Lintu ena amona ukubukila, icintu cimo iciletampa, ukutwalilila, cena cicili mu bunya nangu conse ico cili; cena ni uyo mwaume, ngacakuti ena mubomfi wakwa Lesa, ukwimika ico cintu ukutali na matontonkanyo ya bantu ayo benga talusha

ukufuma kuli cena. Kabili ifwe tatulefwaya ico uku citika, kuli ifwe ukufika ku ncende sha musango ngo yo.

²⁴ Nomba, mu nshita yakwa Yeremia apa, ubusesemo bwakwe, cali nalimo imyaka mutanda ukutula pa mfwa yakwa—yakwa Esaya—Esaya. Kabili bali nalimo imyaka amakumi mutanda ukwabula kasesema mukalamba. Kwaliko Habakuku nabamo muli ba kasesema banono, lelo Esaya ali kasesema mukalamba uwa kulekelesha. Kabili na bantu bali, muli iyi nshita, tabakwete uwakubeta ukufumamo. Bena bali lubile. Nangu line, bali bantu bakwa Lesa, bali wilile muli iyi mibele nomba intu—intu twa basangamo, ilyo Yeremia aishile ku kusesema kuli bena. Kabili Yeremia nao ali. . . Ali seseme intanshi ya kusendwa bunkole, na ena asendelwe muli bunkole pamo nabo.

²⁵ Kabili nomba, nakuba, Daniele aishilepo panuma yakwa Yeremia. Na Daniele atiile alikwete ukwishiba, ukupitila mu Malembo, pa myaka amakumi cine lubali yantu bali no kuba kulya.

²⁶ Pantu, kwali naumbi kasesema pakati kabo, uwalefwaya ukupanga ili ikoli, ngafintu alibikile pa mukoshi wakwe, ukutula cikaba icintu icinono, ukuti, mukati ka myaka ibili, ukuba, Lesa ali nokubabweshwa bonse, lelo Yeremia aishibe icapusanako neco. Kabili natwishiba icacitike kuli kasesema uwaseseme mucilubo, ena afwile mumwaka wine. Eico Lesa tamulekele ukwiminina.

²⁷ Kabili tulemona imibele ya bantu muli bulya bushiku. Nomba Nshilekabila imwe uku kana ng'umfwikisha, Ine—Ine nshile, losha. . . mu fyo Ine ndeloshako ku kusosa pano, Amalembo yamo ne finono ifilembelwe.

²⁸ Caleba ukuti Nshalefwaikwa uku—uku lemba Amalembo yandi ne fintu. Lelo Ine panuma ya kucila amakumi yabili na yasano umuku wacibili, ukuba, Nshi—Nshibukisha ngafintu Nalecita, eico Ndalemba llembo no kwesha ukwishiba, ukufuma umo, kuntu Ndelola. Kabili nomba inshita iikalamba iya ku pepela abalwele, na fimbipo, no kufuma ukuya, Nshakwata inshita sana sana iya kubelenga ngafintu Mfwile.

²⁹ Nomba, lelo uyu kasesema mukalamba wa ubu bushiku, ali Yeremia, kabili ali umuntu umo mu muyano wakwa Amosi nabambi abengi muli bambi kasesema abaimine. Ena asunkanishiwe lintu amwene imibele ya luko. Nomba kwaliko incende. . .

³⁰ Inshita shimo lintu ulelanda pa luko, citontonkanishiwa ukuti cilelenga kuli—kuli limo ibumba. Cena te ifyo. Cikope conse ica luko. Kabili twasanga, ileelo, i—iyapalana nganshi imibele ileelo ngafintu cali mu nshiku shakwa Yeremia, ukuti uluko ulwine, lonse, ukwingila muli, cimofye na, mukupepa utulubi; ngefyo, Ntile, bafumine kuli Lesa. Napa kucitefyo, caba bunake bwa cintamba. Pantu, ngacakuti icintamba caikele ica lungama, kabili pamo ne Cebo cakwa Lesa, Lesa kuti aba muli

cila chalichi ngafintu Aleenda pakati kesu muno. Lelo bena balitalukako kuli ico. Kabili ico e cintu ico Nde—Ndefwaya ukulandapo muno lucelo. Kabili nomba twasanga ukuti ico cishinka nganshi muli cila nkulo.

³¹ Ndecetekela cali ni Amosi, ngafintu Naci losha kuli ena akashita kapitapo, ukuti ena atiile ena “tali kasesema, nangu umwana wakwa kasesema.” Lelo atiile, ukuti, “Lintu inkalamo yabuluma, nani a shingatina?”

³² Kabili ngacakuti umo atala omfwa inkalamo ine ine ukubuluma mu matololo, ishi mumfwa mu mango kuno shi ng’wing’winshafye. Lelo imo nga yabuluma mu matololo, icintu conse cilakutika. Ine nali lalapo mu mpanga, ku kushilunga. Na yena ni mfumu ya finama, kabili, ilyo ilya nkalamo yabuluma, na kashishi kalaleka ukulila, fyonse filacitefyo. Ba—ba mumbwe na ba—na ba cimbwi ukupunda, ne nama shimbi, noku welesha kwaba kolwe wampili naba kolwe, no tushishi, tekuti mu yumfwe ukutontokanya kwenu mwebene; lelo apatali lekeni inkalamo ibulume, na kashishi konse kuleka ukulila. Mwamona, ifintu fyonse fila mutina. Lelo, kuli ifintu ifingi ifinga mwipaya, lelo ena aishibwa nge mfumu pakati ka finama.

³³ Ena atiile, “Lintu inkalamo yabuluma, nani a shingatina?” Atiile, “Nomba Lesa nalanda, nani ashinga sesema?”

³⁴ Kabili ico e, Ndetontokanya, imibele yalingana no bwafya nakabili ileelo. Lesa nasosa. Mwamona? Kabili tulemona ilembo pa cibumba, eico cili ica anguka nganshi uku sesema no kumona ukuti tuli kunshita ya mpela.

³⁵ Kabili tulemona Lesa, mu ciputulwa conse ica filonganino, inshila yonse ukufuma mu mipepele yabu Katolika, ukupula monse muma chalichi yaba protestanti, ba Buddha na bani nabambi, uku fuma ku India, na bani bambi, Ena aleita abantu Bakwe pamo, uku bakolonganika pamo. Kabili Ndi—Ndi uwa nsansa kuli ico, ukumona ubu bushiku ukwisa. Nomba ifwe. . . Cena cili—cena cili ubushiku bukalamba, bumo mu nsambu shakulisha.

³⁶ Ukuti, ngacakuti Nali noku, ngacakuti Nalishibe ilyo takulaba isonde, lintu twali imweo ulubali lwakwa Lesa, ifyo twaba, pantu twali pamo na Ena ilyo umufula we sonde taulabako. Pantu, kwabafye imibele imo iya Mweo wa Muyayaya, kabili uyo ni Lesa. Kabili tuli ulubali Lwakwe. Tatwali abantu saana icakuti kuti twaishiba kabili—kabili nokutontokanya, kabili twalikwete ubuntunse; lelo twali mu matontokanyo Yakwe aya fintu twaba, ilyo umufula we sonde taulabako. Pantu, tuli lubali Lwakwe kwati ngo mwana wandi aba ulubali lwardi, kabili na Ine naba ulubali lwaba Taata bandi, nefyaba ngefyo. Tuli bana baume na banakashi abakwa Lesa, ukupitila mukwishibila libela Kwakwe.

³⁷ Kabili ukubwela kunuma kulya, nga cakuti Nalishibe nga fintu Naishiba nomba, kabili nganalolesha konse mukuya kwa nshita, kabili Ena nga alandile kuli ine, “Ninshita wingafwaya ukwikalamo?” Nga natiile ino ine nshita nomba line, ubushikufye bumo ilyo—ilyo ukupwa kwa lyashi lye sonde takulacitwa, kabili nokwisa kwa Bufumu bakwa Lesa ilyo tabulabikwa pe sonde. Ndetontokanya yena enshita ya bukata iya mu nkulo shonse, ni ino ine nomba line.

³⁸ Twasanga pano ukuti Israeli balemushinina kuli kasesema, lintu Lesa amulashike no kumutuma ukuya, bashininwe pa membu ishi kalamba shibili. Kabili tulefwaya ukulanda pali ifyo fintu fibili ifyo bacitile. Kabili, ukufuma pali ifyo, tulefwaya ukutunguluka na fyena. Nomba, bafumine kuli Lesa, a Kafukauka ka menshi ya mweo, kabili baimbile palwabo ifishima. Bafumineko ku cintu ico Lesa apele kuli bena, kabili baimbile palwabo icintu cimo ico bacitile. Kabili ifi fishima, imwe moneni, ifyo akwete, ifyali ifyatobeka kabili fyalefumya amenshi.

³⁹ Nomba, icishima catobeka tekuti cisunge amenshi. Cena kuti caswa. Nakulile pa farmu, kabili Nalishiba ifyo icishima cakale caba, kabili twakwata naco.

⁴⁰ Kabili ici cishima cipusha amenshi ci—cikope icisuma nganshi, Ndetontokanya, palwa buno bushiku, ukuti lintu (ifyesu) ifintu fuonse ifyo twaesha ukucita, ukubika abantu capamo, ukubika abantu capamo, ukubika ama chalichi capamo, cena lyonse caba mu ncende ya kwesha amano. Twalyesha ukulenga ba Methodisti ukuba ba Baptisti, kabili na munshila imbi ukupilibula, kabili ne filonganino fimbi. Kabili ico tacali butantiko bwa kwa Lesa, mukubalilapo.

⁴¹ Lesa akwata incende imo iyaku kumaninapo. Ena efyo alanda mulya mwi Buuku lya Kufuma, ukuti, “Ninsala incende yakubikapo i Shina Lyandi, kabili iyo encende fye imo apo Nkala kumanishisha abantu.” Kabili Aalisala incende iyakubikapo i Shina Lyakwe. Kabili apo Akabika i Shina Lyakwe, apo epo Ena akumanishihe Israeli. Aalikwata incende iyo Akumanishishapo i chalichi Cakwe ileelo, kabili Ena asalile lilya i Shina, nalilya i Shina ni Yesu Kristu. Kabili apo epo Akumanishishe uwacetekela umwine mwine, lintu aali muli Yesu Kristu. Apo epo Lesa asalile ukubika i Shina Lyakwe.

Imwe watiila, “i Shina lyakwa Lesa?”

⁴² Atiile, “Naishile mwi Shina lyakwa Taata.” Eico apo epo Lesa abika i Shina Lyakwe, caba ni muli Kristu. Kabili muli Kristu emo ifwe bonse twinga kumanina pesamba lya Mulopa wasumine, kabili palya epo tukwata isenge ilituntulu, ilya cine.

⁴³ Lesa apangile ubutantiko Bwakwe pa kutendeka, mwi baala lya Edeni, eyali incende Ena aali nokuku manishishapo umuntu, kabili neco tacali pakukutuluka kwa mano; ngacakuti calikwete,

Efa aalifye bwino uwaikatana pamo no butantiko Bwakwe. Lelo natwishiba ukuti ena pakupokelela amano yakwa Satana, “Icine cine, Lesa takacite,” lelo Lesa atiile Aali no kucita! Kabili eico nomba Asalile incende ya bulubulo, kabili cali cena nimu Mulopa, kabili tekumano ya kwishiba.

⁴⁴ Eico tatulecitapo nangu cimo, lelo cena mibelefye ya cifyalilwa ca muntu ukuti—ukuti abantu baali nokwasha ukucita—ukucita ico. Ngacakuti twacikwata inshita, ifwe ngatwacesha ukuputaula ico mutupimfya utwingi, lelo Nshilefwaya ico cintu. Eico twalaesha ukucipanga icaanguka, “ifishima fipisha amenshi.” Kabili tulesanga ukuti cena—cena mu kupwililika nacicitika nakabili, cena cikope nganshi ica nkulo yesu iyo tuleikalamo, nokwasha kwesu konse.

⁴⁵ Kabili takufwile kwaba ukukana posako amano no mucinshi ku mulimo onse untu umubomfi wakwa Lesa, uyo uwitwa ne shina i Shina lyakwa Yesu Kristu. Afwile acindikwa pa kwini kwa i shina i Shina Lyakwe mukucindikwa no mucinshi. Kabili ne mibombele ikalamba iya kusabankanishishako iyo iyaya mwi sonde, kabili nefyaba ngefyo, muli shino nshiku shakushalikisha, Ndetontonkanya, nangu cibe ifyo tatwa katale atulenga abantu ukuba no mutima umo mpaka twabaleta ukuba pesamba lya Mulopa wakwa Yesu Kristu. Iyo encende imo iyo tukatala ukuba abacingililwa.

⁴⁶ Umuntu umo acinjita tapapitile inshita, ukufuma ku Kabanga, nokutiila, “Munyina Branham, Ning’umfwa ukuti namukukila ku—ku Arizona, kabili namupanga i—incende kulya apo apali ukucingililwa.” Kabili ngafintu imwe mwaishiba ifyo i Mbila yaisa, kabili Shikulu alinjebele ifyali nokucitika mu Alaska, kabili nefyo cikaba ukupita mu California cena ifyo cikaba, kabili cena efyo cifwile ukuba muli iyo ine nshila. Batiile, “Nomba nga cakutiila ico cilesunkana na fyonse, nokwisa ukuli incende yacingililwa?”

⁴⁷ Natiile, “Kwaliba incende imo iya kucingililwapo iyo Naishibapo. Ico ni muli Kristu. Kuli abo abali muli Kristu, bali . . .” Yena eimofye iyo Naishiba.

⁴⁸ Nomba Yeremia naina alitilwe, pamo, “kasesema uulila.” Kabili pantu, Nincetekela, ukuti ico calengele uyu kasesema ukulila—ukulila, ukucila, cali cakuti ena ukuba kasesema (i Cebo cakwa Shikulu ciisa kubaba ifyo) kabili ukulamona abantu baleendela mu ntambi shabo, kabili noku tontonkanya ukuti bali aba lungama, kabili yakwali nenshila nakalya iya kubapilibwilamo.

⁴⁹ Pantu, bena baleyafye ukubutukila kuncende yaku sungilwamo, pantu ifwe twalishiba kusombola cintu wabyele, temulandu nauntu iwe waba, nefyo waba. Kabili ifwe nge calo twalisombola, nangu, twalibyala, ukucila, kabili tufwile twasombola. Nkalashimikila mailo, Shikulu nga atemwa,

mucungulo, *pa Bukali bwa Kupaapa*; kabili Ine—kabili Nkekata palico mulya, ukutula ifwe teti tupitefye ukwabula ukusangapo cimo. Ifwe tufwile ukusombola fintu twabyele.

⁵⁰ Kabili ngacakuti Lesa atulekafye ukutwalilila no kupilibula kwesu ukwa bwina Kristu ileelo, no kwalula abantu muli ifi fintu ifitwa ubwina Kristu, ngafintu Munyina Moore umuku umo atiile, “Ena mu bulungami busuma nashingamwa ukwimya Sodom na Gomorrah, no kulomba ubwelelo pakufyoca.” Ico nacilungama, pantu Lesa acili umulungami. Kabili apo apashili ukulungama alikwata; cile—cileisa mukuleta kuli bumushilo Bwakwe naku Cebo Cakwe icakuti Ena kuleka abantu basombola ico ba byele, kabili tufwile ukuciteco.

⁵¹ Nomba moneni bali Mushile, a Kamfukumfuku ka menshi ya mweo, kabili baimbile abene beka ifishima.

⁵² Nomba limbi kuti kwaba umuntu umo uushingeshiba ifyo icishima caba. Icishima li tanki ili pangwa-nabantu ifyo ilyesha ukubula icifulo cacishima icashika. Cintu cimo ico umuntu umo emba. Kabili nibanga abaishiba ifyo icishima caba? Cisuma. Nacilungama, abantu abengi abekashi bamucalo pano muno lucelo. Eico bena...Ndeibukisha icishima cakale pali ilya ncende, ifyo calemonekelamo, kabili lyonse Naletina ukunwa ukufuma muli ico cintu. Cene cali—cali li tanki lyapangwa-no muntu. Kabili teti cishintililwepo. Tekuti ushintilile pa cishima.

⁵³ Nomba icintu conse ico umuntu acita ilingi line tafiba ifisuma nganshi. Lelo kwati fye ni—ni Shikulu abika inshita mu—mu—muku shinguluka kwaiko, kabili ne calo naco ukulashinguluka; cila mwaka, inshita yonse cena caaba, cila bushiku, cila ora, kabili na kasuba ukuwa, kabili cena tacatala filwapo. Lelo inkoloko iyawamisha iyo twingakwata, ili nokufilwa ukukwanisha ama mineti ayengi mu mweshi umo, takuli ukutwishika. Lelo, imwe mwamona, ifintu fyonse Lesa acita fyaba ifya pwililika, kabili nefyo umuntu acita tafyaba ifya pwililika. Eico mulandu nshi ukupokelela ifyo umuntu acita, lintu imwe kuti mwakwata icapwililika?

⁵⁴ Lyonse ndalanda ico palwa ifwe fwe bantu ba Pentecosti. Mwamona, twalishiba, kabili tatwafuma—tatwafuma mu mutande ifyo fine, uwakwa Lesa, tatwa cetekela; lelo twalishiba pamo ukutiila pakati kesu twa likwata abantu abesha ukwiipashanya ku muntu umbi. Ico buntufye. Balesha ukucita ico. Balicitile ico namuli Baibele, “Umo, ‘Ndi wakwa Paulo,’ ‘Ndi wakwa Shila,’” nefyaba ngefyo. Lelo, bena—bena, balyeseshe ukupashanya ico umuntu umo umbi acitile nangu alecita.

⁵⁵ Lelo mulandu nshi iwe wingapokelela ukupashanya kwa bufi, lintu mulwelele mwaisula ifintu ifituntulu, lintu “ubulayo bwaba kuli imwe naku bana benu”? Mulandu nshi ifwe twingapokelela icintu cimo ica pusana? Mulandu nshi twinga sendela amasambililo nangu ifyakucetekelamo, lintu Baibele

Cebo cakwa Lesa icisha cinjishiwa? Mulandu nshi twingesesha ukulundako nangu ukufumyako, lintu Shikulu Yesu alanda mu Kusokolola 22:18, “Onse umuntu uukafumyako i Cebo cimo kuli Cena, nangu ukulundako kuli Cena, icipandwa cakwe cikafumishiwamo mwi Buuku lya Mweo”?

⁵⁶ Lintu Lesa muku balilapo abikile umutundu wa muntunse...pe sonde, Alibebele ukuti bafwile ukwikala ne Cebo Cakwe. Nomba i Cebo cakwa Lesa caba kwati munyololo, iwe kupita ukwabuka imbo pamo na Wena; kabili umunyololo ubomba bwino palya wena wanakisha, kabili Lesa afwaya ifwe ukusunga i Cebo conse ica Ciko. Nomba ico ecali icakubalilapo ica muli Baibele; ukonaula fye i Cebo cimo, caposele umutundu wa muntunse mu mfifi ya mfwa.

⁵⁷ Yesu aishile pakati ka Baibele, kabili Atiile ukuti, “Umuntu teti ekalile ku mukate weka, lelo ku Cebo conse.” Telubalifye ulwa Fyeb, nangu nainte naini ukufuma muli andeleti; lelo i Cebo conse, pamofye kwati ni Efa na Adamu ifyo baali.

⁵⁸ Kabili ku mpela ya Baibele, Ukusokolola 22:18, Ena atiile ukuti, “Ena uyo uukafumyako i Cebo kuli Ici, nangu ukulundako i cebo cimo kuli Cena!”

⁵⁹ Eico cinshi ico tungafwaila uku bikamo Umu amano ya muntu umo pafintu, lintu ici Mano yakwa Lesa Umwine pali cena? Tulefwaya ukusenda cintu Alandile. Kabili cena pamo calilembwa, “Lekeni i cebo conse ica muntu cibe icabufi, ne Candi cibe i Cine.”

⁶⁰ Ubo ebwali ubwafya noyu kasesema. Mu nshiku shakulekelesha ishakwa Yeremia, ali kasesema, akwete i Cebo cakwa Shikulu. Kabili uyu muntu aleesha ukubikamo icintu cimo muli Cena. Nomba, ico teti cishintililwepo. Kabili Ndepashanya aya matanki nomba kuli iyi mibombele iyo twaesha ukusenda, kabili nokusenda incende ya Cebo cakubalilapo icakwa Lesa.

⁶¹ Pantu, takuli nangu icintu icinga senda incende ya Ciko. Cena ni Lesa. “Mu kutendeka kwali Cebo, kabili Cebo aali pamo na Lesa, kabili Cebo aali ni Lesa. Kabili i Cebo capangilwe umubili no kwikala pakati kesu.” Kabili Abahebere 13:8, yatiila, “Ena aba cimo cine mailo, ileelo, no muyayaya.” Kuti twafuma shani kuli Ico? Cena cifwile ukuba i Cine. Ena aba cimo cine. Aaba cimo cine pacikomo icili conse.

⁶² Uyo emulandu musangalala muli Cena, imwe ba Baptisti naba Methodisti, na Katolika na ba Presibiteriani, na fimbipo, mulasangalala muli uko Ukubapo. Kumo kuncende, muli imwe, imwe mwalipokelela Lesa. Limbi mu nshita imo munshila ya mano, limbi imwe mwalyumfwa a Maka yakwa Lesa, kabili uli mubomfi wakwa Lesa; lelo lintu iwe icine cine waisa muli Lesa, no kwishiba icifulo cobe muli Ena, ngo mwana umwaume nangu

umwana mwanakashi uwakwa Lesa, ico ecileta cilya icikalamba muli iwe, ico Lesa aalefwaya iwe ukukwata.

⁶³ Nomba tulemona mu Washila Marko, mu chapitala 16, Yesu talandile ukuti, “Kabiyeni imwe mwisonde lyonse, kabili—kabili—kabili nokufundisha.” Atille, “Kabiyeni nokushimikila i Mbila nsuma.” Ukushimikila i Mbila nsuma, e, kulangisha a Maka ya Mupashi wa Mushilo! “Kabiyeni imwe mwi sonde lyonse, no kulangisha a Maka ya Mupashi wa Mushilo.”

⁶⁴ Nalelanda na munyina umo, umo pali bakatungilila ba... imisonkano yandi mu India, mu Bombay kulya kwine, ukuya ku South Africa ne ncende shalekana lekana, uko ba minshoni ba fundishe Cena nge cebo nangu nga ukwishiba kwa mano. Lelo ubushiku bumu mu musonkano, lintu Mupashi wa Mushilo aikile, Umwine palwakwe, kabili no kupususha amakana amakumi yatatu pabekashi baikupile amalangei pakwitwafye kumo ukwapa cipailo, kabili palya pene pacifulofye cimo cine apo baiminine. Abanakashi abaiminine palya, abo abaishilefye ubwamba pepifye ngafintu bali ilyo baishile mwisonde, kabili ilya inefye nshita ilyo baimishe amaboko yabo ukupokelela Kristu...

⁶⁵ Na Mupashi wa Mushilo aponene pa ncende nokundapa abantu amakana amakumi yabili na basano pa muku umo, ukufuma pamacinga yakukunkulusha, patuma sanshi tunono napa kusendela abalwele. Mwine mushi wamusumba ali naine, ubushiku bwakonkelepo, nokulolesha paliba motoka basendele filya fintu abaleya mu musebo.

⁶⁶ Balya banamayo abaiminine palya ubwamba, ukwabula ukwishiba ukuti bena baali ubamba. Lelo lilya linefye Mupashi wa Mushilo aumine pali bena, bakumbete amaboko yabo no kwenda ukufumapo pa baume babo.

⁶⁷ Kabili Ndesunguka ifyo ifwe fwebena America tuita palwesu icalo cabena Kristu, kabili fwebaba mu Kubapo kwakwa Lesa; kabili cila mwaka ifwe, abanakashi besu, bala fuulilako ukucilapo. Kabili tufwile ukubikapo ifingi. Kabili nga wafwala Kristu ukucilapo, elyo ukaba uwaibukila ukucilapo mumibele yobe wemwine. Inshita shimo shimo Ndamona inshila intu abantu bacitilamo pa musebo, Ndasunguka ngacakuti cena caliba icalungamafye bwino bwino mumano ayalungama. Cilemoneka kwati bena tabeluka ilyo lintu baciteco, pafyo bena balecita, bena baleilenga abene ukuba icambi cakwa ciwa, kabili nokutuma imyeo kumbo. Ico nacilungama. Lelo isonde lili mukonaika ngafintu cena cali munshiku shakwa Yeremia.

⁶⁸ Nomba ukubwelela kucishima. Nomba, pantu teti ciisushemo iciine palwaciko. Kabili cena cifwile cashintilila pa mfula yamu ncende ukuciisusha, imfula yamu ncende nangu ukupuputulwa kwamu ncende, uku kwata ukupuputulwa kunono *pano* kabili nokupuputulwa kunono *kulya* lubali,

nangu nafimbipo, pakucilenga cena ukwisula. Eico cena teti cishintilwepo. Cena tekuti ciisushe icine palwaciko. Ukukana linga, icine palwaciko. Cena kuti cafilwa ukucita ico. Kabili cena cifwile cashintilila pa mfula, pakuti cena caisula.

⁶⁹ Nomba lekeni tumone uko cena—cena cipokelela imfula yaciko, uko cena cipokelela amenshi yaciko, nipa cishima. Yena ifuma pa muulu wa matala, pamitenge yafya kusungilamo, apo ifiko fyalukungu fiposwa, fisambwa mulya mwine mu mfula, kabili nokusendwa ukuya mucishima, itanki lyapangwa nabantu. Cena caba kwati nimucishiba cafiko. Kabili fisendwa ukufuma pamutenge wabutala apo inama shonse, ishinunka ububi mulya mwibala, nafimbipo, kabili nokwikalila. Kabili no mwela ulapupa mu—mulukungu ne fintu ukutwala pabutala, nomba imfula yamu ncende yaisa kabili nokusenda, imfula, palya pene.

⁷⁰ Kabili nomba amenshi yasendwa no mufolo wapangwa na bantu ukupita mukamana kapangwa nabantu, ukuya mwi tanki lyapangwa-na bantu. Kabili nomba lintu yafika kulya, yaba ayafiko, ayafiko icakuti ufwile wabika icisushilo pali cena, nangu ngaifyo tekuti uyanwe. Nomba, mwamona, nomba yena yale kunkuluka ukufuma pa mutenge, ukuya mu mufolo wapangwa na bantu, ukupita mukamana akapangwa na bantu, nokuponena mwi tanki lyapangwa-na bantu. Kabili nomba lyena ne cisushilo ca pangwa na bantu pamuulu wa ciko, uku mona ukuti fimo pa tushishi ne fintu fyashaala.

⁷¹ Nomba, nomba tulemona, muli ifi, inshiku shinono panuma ya menshi yaikala mulya, muli ifi ifya pangwa na bantu ifilongani- . . . , nangu, itanki. Njeleleniko. Njeleleniko. Cisuma. Panuma fyena—panuma fyena fyafumishiwako, ifya misango yonse iya fyamapepo ne fintu fyabikwa muli cena; nomba twaisa sanga ukuti, ilyoyena yaikalila mulya panuma yanshiku ishinono, yaba ayashenda.

⁷² Kabili na onse aishiba, mu lyashi lyakale ilya chalichi, ukuti lintu Lesa atuma icintu cimo ukwisa, imbila, kabili caisa icipya ukufuma kuli Lesa, nomba panuma ya—ya mweo wakwa ulya kasanga (nangu conse ifyo cifwile caba, imwe mumwita kapanga wacipya, nangu conse ico mulefwaya ukulanda palwa ico), panuma ya mfwa yakwe, nomba babula imibombele iyapangwa kabili bapanga nakabungwe. Kabili ilyo lilya linefye bapanga akabungwe ukufuma muli ico, kena kafwila palya pene. Kena takema nakabili. Cena calicitwa ukupitila munshita yonse, kunuma, ukupimwa kunuma.

⁷³ Muku pela ukutasha kuli uyu shimapepo wamu Katolika uwikele pano; lintu Lesa aampenye i chalichi. . . nangu, taampenye cena, Lesa taampenye i chalichi. Ena taba mu mulimo wa musango ifyo. Ena aba mukufyalwa, te mukabungwe. Eico, lintu Lesa atampile i chalichi ukufuma pa Bushiku bwa

Pentecosti. Kabili nomba mukulekelesha kulya ku Nicaea, mu Rome, bapangile akabungwe, kabili palya epo cena calufishe a Maka ya ciko.

⁷⁴ Nomba twaisafika kukulengwa cipya cipya ukwakwa Luther, kabili cena cali cintu icikalamba. I Cebo cakwa Lesa capelwe, “Abalungami bakekalila ku cicetekelo.” Kabili lintu bacitile, mucifulo cakwimya, bonse capamo, bonse capamo nokutwalililapo ukwendela pamo, bena bapangile i chalichi cakwa Luther, ukuipatula abene ukufuma kuli ili bumba, kabili nomba cafwile.

⁷⁵ Nomba Lesa aimishe John Wesley, no kushishiwa, imbila ya mulimo wacibili uwa kusenamina, kabili cali icintu icisumaa. Lelo panuma yakwa Wesley na Asbury, bapangile akabungwe, kena kafwile.

⁷⁶ Nomba kwaishile isa ba Pentecosti no kubweseshiwapo kwa fyabupe. Balebombafye bwino, cinshi cacitike? Bapangile akabungwe kabili kena kafwile. Bwino bwinofye.

⁷⁷ Nomba pakati kafintu fyonse ifi, Lesa acili aleita abashalapo ukufuma muli cila conse ica munkulo shilya. Ena icine cine. Kabili yena ninshita yesu iya kufuma, mukulongana capamo. Kabili ifyo eflyo Ndetontonkanya, ibumba lyaba Bashimakwebo Baume aba Mbila Yapwililika lyalibomba ulubali ulukalamba mukutobaula ifi ifibumba, nokulanda ukuti, “Tapaba ubupusano muli ifwe. Natwise pamo noku pepa Lesa pesamba lyacikomo cimo, te pesamba lya kabungwe.” Ngacakuti cena kabungwe, Ine kuti nafumapo pano paci ntamba nomba line. Nshikwete nangu cimo ica kucita nako.

⁷⁸ Ifyo cena cili, cifwile ukuba isenge, kabili te senge lya masambilisho yamo, Lelo isenge muli Kristu, mumaka yakubuuka kwakwe, ico ecintu icileta u Mweo. Cena cileta ukufyalwa.

⁷⁹ Kabili ilyo ukufyalwa takulaisa, ifwe natwiluka ukuti kufwile kwaba ukufwa ilyo takulaba ukufyalwa. Kabili ukufyalwa cimfulunganya, Nshilesakamana umusango waku fyalwa ifyo uuli. Ngacakutula ni mwi cinka lya nkumba, nangu—nangu conse ifyo cili, cena cimfulunganya. Kabili cena Kufyalwa cipyacipya, cikulenga ukucita ifintu ifyo mucituntulu tawinga tontonkanya ukucita. Lelo lintu iwe waipekanya ukufwa kuli iwe wemwine, nomba iwe kufyalwa cipya cipya nakabili, icibumbwa cipya muli Kristu Yesu, nomba ifintu, fyaisuka no mweo waba uupya mucinso cobe, pantu iwe naupokelela u Muntu wakwa Yesu Kristu, kabili tefyakulandafye nangu amasambililo yamo.

⁸⁰ Nangu, niku Cebo icalembwa, Cena cifwile caba icacincimushiwa na Mupashi wa Mushilo. Tebwingi bwamasambililo yafya mapepo ayo wakwata, fyena fili apo ifyafwa. Nshinga kwata ulupi ulwaisulamo ingano; mpaka

cena caya mumi bombele umo cena cinga cincimushiwa, ninshi ingano teti shibe ishabumi. Kabili kuti wakwata digiri yabu dokota, Ph., LL., conse ico wingafwaya ukukwata; lelo mpaka Mupashi wa Mushilo aisa pali ico no kucincimusha muli iwe, nge cintu ico waishiba mukuba pamo na Lesa, nomba ingano ninshi tashicita icisuma. Ukusambilila kobe kuli apafye.

⁸¹ Ngafintu uyu umuntu u Mungeleshi alandile ubushiku bwafumineko pano, cali Nsungwishe apakalamba pali ico. Ukusambilila konse kuntu akwete, nga fintu Paulo, alabileko kuli fyonse ifyo aishibe, pakuti asanga Kristu, ukucita ifintu ifyo atontontonkenye ukuti tekuti acite.

⁸² Lelo iyo enshila Lesa acitilamo, Alatulenga insoni mumibombele yama sambililo. Nshile Tungilila ukukana ishiba, lelo Ndeesha ukumyeba ubupusano. Amasambililo teti yalete u Mweo. Cena cisenda u Mupashi wakwa Lesa ukuleta u Mweo, kabili noyo Mweo tawifile ukwisafye ukufuma mu kupuputulwa kwa masambililo. Yena yafwile ukufuma muli Baibele, i Cebo ukupuputulwa, kabili ico Cebo caba cimo cine mailo, ileelo, no muyayaya. Kabili lintu Cena cafilwa ileelo, kabili noku cincimushiwa, iwe ufwile wakwata ifyaku fumamo ifyo wakwete mu Milimo yabatumwa 2. Bwino bwninofye. Lyonse cilakwata, kabili lyonse cili nokuba, pantu Mupashi wakwa Lesa uuwamya imibele.

⁸³ Cisenda imibele mukucita ifintu. Uyo wine e mulandu untu imwe mufundishiw, “Ukuleta abana benu pano.” Ukuba, icine cine ico nacilungama. Ine naciba ne nsansa ukumona umwana mwanakashi wandi, Rebekah, aisa ingila no kwikalako, pama mineti fye ayanono ayapitapo. Bamo imwe mwali mona ndekapisha umwanakashi, ena aciba mwana umwanakashi wandi, eico acisa ingila nokwikalako. Ndefwaya ena ukupokelela ulubatisho lwa Mupashi, kabili uyo e mulandu abelele muno mu musango. Ubo ebwiminishi bwaico. Cena cisenda imibele ya ncende.

⁸⁴ Ngafintu umukalamba Dokota Bosworth alelanda, “Iwe kuti wabula ilini lya nkoko nokulibika pesamba lya kabwa akanono, kuti lyatota inkoko.” Cinshi? Pantu lyena lini kabili nalikwata imibele ialungama.

⁸⁵ Nshilesakamana iwe nga uli Methodisti, Baptisti, Presbiteriani; mu mibele ialungama, lyena kuti lyatotamo umwana umupya uwakwa Lesa. Yena mibele icita ico, temulandu neca kwishibikilwako ica mucilonganino wakwata.

⁸⁶ Nalekumba ing’ombe. Nalemona kasunga wa nama lintu twaleshitwala mu mpanga, ukushifumya—ukushifumya mu ncende iyakulila ukushitwala mu mpanga umwaku sungila, kabili nokushibika mu mpanga. Kutu aiminina palya no kushimona ilyo shilepita pa mpongolo, pa lupango lwa kusesha. Taleposa amano nganshi pafishishiko, pantu mwali imisango

yonse iyafishishiko iyapitile palya. Lelo kwaliko icintu cimo ico alemona, cakwishibilako ica mulopa. Yalefwaya ukuba iyafyalwa bwino Hereford nangu ngateifyo teti ipite ukuya muli ilya mpanga, pantu bena niba Hereford Association abalisha muli ilya mpanga. Yena ifwile yakwata icishibilo ca mulopa, pakusunga ishakufyala ishalungama.

⁸⁷ Kabili Ndetontonkanya ukuti eshila cikabelamo pa Bushiku bwa Bupingushi. Talinokunjipushe nga Nali Methodist, Baptisti, Pentecosti, nangu Presbiteriani, lelo Ali nokulolesha pacishibilo ca Mulopa. “Lintu Namona u Mulopa Ndi noku kucilila.” Ico ecintufye.

⁸⁸ Eico twasanga ukutila ifi ifishima, panuma yakuti fyaikalafye pakashita, filaba... ifyacikalishi kabili tafiba ifisuma. Kabili fyene fiba nomba, pamo, fiba amayanda yafyula nabamalinso nensoka nefi shishi notushishi twamalwele, kabili fimbi nafimbipo ukucila, pantu yena mibele yacikalishi eitwalamo muli ico. Bushe kuti waingililamo, ukukunkuluka kwa menshi wapa mutenge wabutala, nangu ukufuma pamutenge wa ng’anda uupaleme nobutala, nanguponse apo ifiko fingaba, musango nshi uwafishishi notushishi twamalwele, nafyonse, ifyo ifingila muli ici icishima?

⁸⁹ Nomba, cena cakumwenako icapwililika icamibombela yacapangwa nomuntu. Ena nikafilwa, mukubalilapo. Uyo wine e mulandu alekabila u Mupusushi. Ena tekuti aipusushe palwakwe, teti acitepo icintu nangu cimo pali ico. Ali luba, mukubalilapo. Afyalilwa mwi sonde, umubumbu, aisa mwisonde alelanda ubufi. Wa bufi, mukubalilapo, eico ni munshila nshi ena mwisonde enga citilamo icintu conse palwakwe umwine? Ni munshila nshi umuntu wamushilo?

⁹⁰ Takwaba umuntu wamushilo. Takwaba ichalichi camushilo. Cena ni Mupashi wa Mushilo! Te chalichi ca mushilo, abantu ba mushilo; cena ni Mupashi wa Mushilo pakati ka bantu, ifyo efyo caba. Amen. Te lupili lwa mushilo uko Petro na balya baiminine; ulupili talwali ulwa mushilo. Lelo ni Lesa wa Mushilo, ukuba palupili, ecalengele lwena ukuba ulwa mushilo. Te muntu wa mushilo; cena ni Mupashi wa Mushilo ukubomba muli ulya muntu, cinshi icilenga cena ukuba ica mushilo. Te muntu; lelo Muntu wa Mupashi wa Mushilo! Tacili umuntu; pantu, ena muntu, “uwafyalilwa mu lubumbu, uwapangwa mu mampulu, aisa mwi sonde alelanda ubufi.”

⁹¹ Imibombe yonse iyapangwa no muntu ika musungililafye muli ico. Akapofwisha icintu ukufuma mukucenjela, amenso yacenjela, ifyo batontonkanya, “Ine ndi wamuchalichi, ishina lyandi lyaliba mwi buuku. Ine nalicita *ici*. ba Taata bandi bali *ici*, na fimbipo.” Ico cileumfwika icalungama; ico, cena cili, tapali nangu cimo icakulandapo ukulwisha ico. Lelo nangu cibe ifyo, cibusa Yesu atiile, “Kano umuntu afyalwa cipya cipya, tekuti

amone no kumona,” *mwamona*, palya, tacilepilibula ukutila amona na menso yakwe, lelo, “*alakituluka* u Bufumu ubwa mu Muulu.” Mpaka wa fyalwa cipya cipya!

⁹² Ni munshila nshi uyu kasabankanya wa mbila nsuma uwamu Baptisti, ni munshilanshi ulya mwaume uwaiminine palya no kusuusha nokupumya ico Cena? Mwamona, tamuli nangu cimo muli ena ico icinga Cipokelela; lelo Lesa acitile ico, mwamona. Lesa amupele Mupashi wa Mushilo. Asokolwele ico ico tacali nibumyalu myalu, ici cine e Cebo. Ena omfwafye cena ukufuma mu mano yaku sukulu, kabili baleesha ukubula amapalo ya—yakwa Lesa no kuyabika pa bushiku ubwapitapo.

⁹³ Uwacaice kashimikila uwamu Baptisti, pano tapapitile inshita, ekele pano pene nomba muno lucelo; kaibili aishile kuli ine, noku tiila, “Munyina Branham, kuli icintu cimo cintu ulecita icalubana.”

Natiile, “Ngafwa.”

⁹⁴ Kabili atiile, “Iwe uli, Ndetontonkanya iwe uli wacishinka kabili umuntu umusuma, lelo. . .”

Natiile, “Namutotela, mukwai.”

Atiile, “Lelo kuli icintu cimo cintu ulecita icalubana.”

Natiile, “Ndekabila Shikulu ukusangefye icintu cimo icalubana.”

⁹⁵ Na ena atiile, “Ukuba, eko cili. . .Ici e cintu ulecita icalubana.” Atiile, “Iwe uleesha ukuleta kwi sonde ubupyungishi bwa butumwa, kabili,” atiile, “ubupyungishi bwa butumwa bwapwile pamo na batumwa.”

⁹⁶ Natiile, “Nga Baptisti ukuba Baptisti, kuti Nafwaya uku kwipusha iwe ilipusho.”

Atiile, “Cinshi?”

⁹⁷ Natiile, “Bushe wali cetekela i Cebo cakwa Lesa cali putwamo, iciputulwa conse ica Ciko?”

Ena atiile, “Cinshi, icine cine.”

⁹⁸ Natiile, “Nomba, Ena atiile, ‘Mwilundako icebo cimo, nangu ukufumyako Cimo.’ Pantu,” Natiile kanshi nomba, “Nala kulanga apo Ipalo lya batumwa apo lishila pa bantu, ku bulayo bwakwa Lesa, nomba unangishe ubulayo bwakwa Lesa nelintu bwena bwafumine pa bantu. Mwamona, ngacakuti teti ulangishe ico mu Cebo, nomba—nomba labako palwa ico, mwamona,” Natiile, “pantu Cena cicili ciletwalilila.”

⁹⁹ Talandilepo icintu nangu cimo pama mineti ayanono. Kabili eico Natiile, “Ukuba, nomba, munyina, kuti Nafwaya uku kwipusha ici. Petroewaletele imbila yaba tumwa, pa Bushiku bwa Pentecosti. Kabili ifwe bonse twaliishiba ukuti ico e cine, pantu alikwete imfungulo shaku Bufumu, shintu Yesu apele kuli ena. Kabili nomba mona cintu alandile. Ena atiile, ‘Lapileni,

cila umo paliimwe, no kubatishiwa mwi Shina lyakwa Yesu Kristu pakwelelwa kwamembu, kabili mukapokelela icabupe ica Mupashi wa Mushilo. Pantu ubulayo buli kuli imwe, nakubana benu, nakuli bonse abali ukutali, nangufye abengi abo Shikulu Lesa wesu aketa.’ Nomba ngacakuti kuliko incende apo Ena aci fumishishepo, nomba cinshi icacitike ku mashiwi yakwa Petro pa Bushiku bwa Pentecosti?” Mwamona? Iyoo, cena tacatalile acilekapo!

Wemutemwikwa we Mpaanga ilefwa,
Umulopa Obe uwawama
Wena tawakalufye a Maka yauko,
Mpaka conse i Chalichi calubulwa cakwa Lesa
Cikapusuke, kukana bembuka.

Nomba mu lwimbo lwacindama, ulwawama,
Ndi nokwimba a Maka Yenu ayakupususha,
Lintu ulu lulimi lwafye lulubantika, noku
bulubusa
Elyo lukalala tondolo mu nshishi.

¹⁰⁰ Lesa ngafwilisheni ukucetekela Ico no kwikatilila kuli Cena, naifwe bonse, no kwiminina lubali na Cena, pantu Cena e Mbilansuma iya Cine! Ee, mukwai.

¹⁰¹ Umuntu wa mano tafwile ukulolesha pali ifi fintu. Kabili uwaishiba ukuti fyena tafibomba. Tafyatata afibombapo. Bukapepa bwa ampanishiwa pamo kabili no kwishiba ukwa ampanishiwa pamo tafya katale afibomba mu Kubapo kwakwa Lesa. Cena cifwile caisa, icabula ukucinja, ukufuma kuli Lesa. Cene tacatala acibomfeshiwa na Lesa, tapabapo inshita kunuma iyo Lesa atalile abomfya imibombele yaba ngefyo. Nomba imwe, oh, mulabula ba membala ne fintu ngefyo. Lelo Ndepilubula u Lubuto utuntulu ulwa kwa Lesa, a Mapalo kwati nga yalyau aya ponene pa Bushiku bwa Pentecosti, yena tayatalile ukwisa ukupitila mu kabungwe; yena yaishile ukupitila mukufyalwa, mukufyalwa cipya cipya.

¹⁰² Natwitwa ukubula Israeli ukuba—ukuba icakumwenako, pafyo bena baba. Moneni, “Bena bali musula Ena, akafukauka kabo akapelwa, kabili bali imbile palwabo beka ifishima.” Bushe kuti mwaingililamo ici—ici—ici—icintu, lintu umuntu ali pa cishima ca kamfukumfuku, alenwa, kabili nomba afaya uku imbila icishima, mwamona, ukulanwa ukufuma muli cena? Nomba ico eco kasesema alandile ukuti, ifyo efyo i Cebo cakwa Lesa calanda. Ifyo efyo Lesa alandile kuli kasesema. “Imwe Mwalinsula kabili—kabili Mwalinsha, ne Kafukauka ka menshi ya mweo; nokwi imbila mwebene palwenu ifishima, ifyo ifyatobeka, kabili fyena filasuma.”

¹⁰³ Moneni, icintu cimo, bena balefwaya icintu cimo ico bengatungulula, nangu ukulangisha ico bacitile. Ubo e—ubo e bupumbu bwabu kapepa bwa ampanishiwa pamo. Bwena

lyonse bulesha, bafwile bakwata icintu cimo muli cena palwa ciko. Bafwile bakwata yonse imibombebele no tubungwe, ne fintu, “Kabili Naba muli *ici* nomba.” Mucifulo cakubafye abaicefya abana bakwa Lesa, bena bafwaya icintu cimo ico benga langisha palwabo abene beka. Mucifulo cakuleka Lesa acicitila munshila Yakwe, bena kufwaya ukucitila ico munshila yabo. Kabili iyo enshila imibombebele yaba mu chalichi ileelo. Te. . . Cila imibombebele, umo alefwaya cibe muli *iyi* nshila, umo alefwaya cibe muli *ilya* nshila. Nga cakuti niwe Methodisti, ufwile waba *muli* nshila. Umo Baptisti, muli *iyi* nshila. Umo Presbyteriani, Katolika, nafimbipo ukucila, balikwata imibombebele yabo. Tapali nangu cmo icakulwisha ico, lelo ico teco Ndelandapo.

¹⁰⁴ Umuntu afwaya inshila yakwe iya kucicitilamo, ifintu, na Lesa alikwata inshila Yakwe iya kucitilamo ifintu. Kabili Atiile, “Imwe namwikatilila ku nshila yenu, icishima catobeka; kabili mulekana ukupokelela inshila Yandi, inshila ya Mweo.”

¹⁰⁵ Kabili ico cintu cimo cine nga fintu cili ne leelo. Cena tacapusanapo nangu panono. Tontonkanyeni ifyo umuntu aba no bupuba asha icishima cakamfuku mfuku ica menshi ayasuma ayalefukauka, kabili nomba alefwaya ukuya ku cishima icatobeka ico apanga umwine palwakwe, no kufukululamo umwine, na filya ifiko pamuulu wa butala ukulakonkolokela muli cena, nomba nokulanwa filya fine. Kuliko ninshi icine cine icintu cimo icilubene na matontonkanyo naulya muntu.

¹⁰⁶ Kabili lintu alambatila ku—ku mano yabukapepa aya mu Malembo, mucifulo cakupokelela u Mupashi wa Mushilo uyo ushininkisha mu Malembo nokupanga Cena ukuba icintu kuli iwe, kuli icintu cimo ica bumupashi icalubana pamo naulya muntu. Ico nacilungama bwino bwino. Mucituntulu, u Mupashi wa Mushilo! Cila umo alikwata ukupilibula kwa Baibele yabo, iwe ulatontonkanya ukuti ici nacilungama. Lesa tafwaya ubwafwilisho bobo. Lesa tafwaya ukupilibula kobe.

¹⁰⁷ Lesa Aipilibwilafye Umwine Eka. Lesa apilibula ukukonka na munshila Ena—munshila Ena alandilamo ukutiila Ena emo aali nokucitila ico. Ena Shikulu atiile kukutendeka, “Nakube ulubuuto,” kabili kwali ulubuuto. Ico tacilekabila ukupilibula ukuli konse. Ico eco Lesa acitile. Atiile “nacisungu akemita,” ena alimite. Ico tacile kabila ukupilibula ukuli konse. Atiile Aali “nokupongolwela u Mupashi Wakwe pa bantu bonse,” Aali citile. Cena tacikabila ukupilibula ukuli konse. Lesa alapilibula i Cebo Cakwe Umwine muku Cishininkisha, na Mukucisikolola, na Mukucilangisha.

¹⁰⁸ Ifyo efyo kasesema alelangwa ukuba uwakwa Lesa. Atiile, “Nga pabapo umo pakati kenu, uwabu mupashi nangu kasesema, Ine ne Shikulu nkailenga ne Mwine ukwishibikwa kuli ena mufimonwa, nkalanda kuli ena ukupitila mufiloto.

Kabili na conse ico alanda caisa fikilishiwa, nomba mufwile mwa mutina; lelo nga cakutilla cena tacifikilishiwe, tamufwile ukucita ico.”

¹⁰⁹ Ico cintu cimo lintu Lesa alanda i Cebo Cakwe, kabili nomuntu atilla, “I Cebo ni *Ci*,” kabili cacitikilla muli iyo nshila, ninshi ni Lesa ewacita ico.

¹¹⁰ Lelo nga atilla, “Cena cili muli *iyi* nshila, kabili ne nshiku shapitapo,” mulandu nshi casendela yonse ilya . . . Abula umukate wabansala, mu maboko yakwe, uwakupela abana, kabili aupokolola ukufuma kuli bena; nabena balacula ku nsala. Mulandu nshi iwe wingafwaila ukunwa ukufuma pa cishima lintu ici cishima cakamfuku mfuku epo cili palya?

¹¹¹ Bushe akafukauka ka Mweo nomba ni cinshi? Bushe akafukauka ka Mwe, akafukauka ka Menshi ya mweo ni cinshi? Cishima ca kamfukumfuku, eko ifwe twinga pashanya Cena ico.

¹¹² Nomba Ndefwaya imwe mumonepo ubupusano pakati ka cishima na kafukauka ka menshi ya mweo; icishima cakamfukumfuku, ne cishima cakale ica tobeka kulya icaisulamo ifishishi, ba malinso, ifyula, utushishi twa malwele, nafimbipo, mwamona.

¹¹³ Kabili pano pali icishima cakamfukumfuku. Nomba lolesheni ici. Cena ciitungililafye pa lwaciko. Iwe tawfwile uku kwata imibombele ikalamba imbi no kuleta ulupiya ulwingi muli cena. Iwe tawfwile ukwingishamo ba membala abengi. Cena cilatungilila ba membala wa ciko, abakwata u Mupashi wa Mweo muli bena, uubomba.

¹¹⁴ Moneni amenshi ayo ayafuma muli cena, ayasuma, ayalengama kabili ayawama. Temu cishima, icintu cimo icaiminine ico icalembelwe na mano yapusana ayali amakumi yane, yasano, yalelanda, “*Ici* na cilungama, kabili *cilya* nacilungama, kabili *uku* kwishiba,” kabili ukusala nokwita ukutwalilila, kabili ilyo balecita, kabili nomba bapanga icilonganino ukufuma muli ico. Cena icabula ifiko kabili icawama, icishabikwamo nangu cimo i Cebo cakwa Lesa, ukwisa ukufuma mukuboko kwakwa Lesa. Cena cishima cakamfukumfuku icituntulu.

¹¹⁵ Moneni, icankama camaka yaciko yaba mukati kaciko palwaciko. Umuntu tekuti asange ico. Camusango waku titikisha, pesamba lwaciko, ico ecilenga cena ukwima pamuulu.

¹¹⁶ Ndeibukisha lintu Ine, nale, nali umubomfi wabuteko uwalemona panama mu gemu mu Indiana, Naleya mukupita mupepi, mu Harrison County, icishima cimo, akafukauka. Kena lyonse kalefukauka pamuulu. Kabili fye, oh, kalemoneka kwati kena ekali akantu ka nsansa nganshi. Nangu cali ni mumfula ya buuta eyali pa mushili, amenshi makasa, ayakosa, nangu kwali ukwatalala, kena kalefukaukafye; epo ifishiba nama tanki

ifyakale fyakulilwe na bantu, ne fyula ne fintu fyonse, fyali palya ifyakosa, ifyaikatana.

117 Kabili ico cilelangisha ukuti icilonganino icili conse, ukupitila mukubulisha kwa Mupashi panono nangu ukucinja panono kwa mibele, kuti kwa talala konse. Lelo icishima cakamfukumfuku ica kwa Lesa, Ena aba—Ena aba cimo cine mailo, ileelo, kabili no muyayaya, cena cisunga ifintu ukufukauka ukufumya muli cena nokufiposa kunse. Kabili tamushala nangu cimo mulya, mukubalilapo. Ilya ine inshita caingile muli cena, cena kucisunka no kucifumisha panse ukufuma munshila.

118 Cilya cintu cena calefukauka kwati nge fyo, kabili Natiile, naikele palya ubushiku bumo, Natontonkenye, “Nincetekela Nalalanda kuli kalya kafukauka, pakashitafye akanono.” Nafumisheko icisote candi, Nokutiila, “Cinshi icikulengele ukuba uwansansa? Cinshi icikulengele ukulafukauka ifi? Limbi nici icakutiila insebula shilanwa ukufuma kuli iwe, pakashita kamo.”

Ngacakuti ena aalilandile, ena ngalandile ukuti, “Iyo.”

Natiile, “Limbi ni pamulandu wakuti Ndanwa ukufuma kuli iwe.”

“Iyo, ico tacili ifyo.”

119 Natiile, “Ukuba, cinshi cikulenga iwe uwalengama, uwawama ifyo? Eico cinshi—cinshi ufukaukila, cinshi icilenga iwe ukulafukauka, uwaisulamo insansa inshita shonse, kabili takuli nangu cimo icinga kulenga ukukosa iwe? Iwe ukulaposa amenshi mu mwela, kabili apashili nangu cimo, amenshi ayawama.”

120 Ngacakuti cena calandile kuli ine, bushe namwishiba ico cilya icishima caali nokulanda? Cena nga calandile ukuti, “Munyina Branham, ico teine uufukauka, cena cintu cimo kunuma yandi, ecimfukaula ine.” Kabili iyo enshila cabelamo cena na. . . Ilyo lishiwi ilishafikapo, lelo imwe namwishiba ico Ndepilibula.

121 Kabili e fintu caba no kukumana no kufyalwa nakabili. Te kuti mukwimike. Cena e—e kafukauka ka menshi muli iwe, ukufukauka mu Mweo wa muyayaya. Mwamona, kwaliba icintu cimo pali cena, cintu imwe tamuli necakucita naco. Amatanki yapangwa no muntu kuti yakosa ku kutalala, kabili yena ukula lomba ukupuputulwa ne fintu fyonse; lelo umuntu uuli pesamba lya kalya Kafukauka, ukwikala muli kalya Kafukauka, cena kasuba no bushiku! Iyo, tamufwile ukulolela pa mfula sha pa ncende no kupuputuka kwa pa ncende. Imwe mwalisushiwamo na Kena. “Ine nkapela kuli ena a kafukauka ka Mweo, muli ena, ukufukauka.” Mwaliba icintu cimo muli Kena, icili icipywa cila bushiku, icapwililika kabili icabulamo ifiko. Cena ecisha tobenkanishiwamo i Cebo cakwa Lesa mu

mutima obe na mukanwa, uku ilanga Icine, ukuilandilako Icine. Nshilesakamana cibe ileloka, nangu imfula yabuuta ukupona, ifyo bucile, ulatwalilila ne nsansa pantu u Mupashi wa Mushilo uli mulya ulefukauka. Cena Maka aya fisama. Moneni. Oh, inkama yakako yaba muli kena.

¹²² Kapela ukufuma kuli kena akene, apafye, ku uli onse uukanwa no kubomfya kufya kako. Nomba tausalapo, ukuti, “Ukuba, nomba Ine mfwilefye ukuya ku chalichi caba Methodisti pantu Ndi Methodisti, ku kupuputulwa. Mfwile ukuya *uku* lubali, lelo (ngacakuti) Mfwile ukuya kuli Pentecosti pantu Nine umwina kupuputula uwa Pentecosti.” Ndemweba, lintu mwakwata kalya kafukauka ka Menshi akalefukauka, kalya Kafukauka, lintu mulenwa lwa mulya, takuli bupusano, upeela kuli conse ica pitilapo. Uli uwa ipeelesha ukupeela isubilo lya Mweo kuli Katolika, kuli Protestanti, kumu Yuda, kuli mukanalesa, nangu conse cintu cingaba. Iwe uli saana saana, saana saana naukwata Icintu cimo muli iwe, icile cicita.

¹²³ Moneni icintu cimbi pali cena, taufwile ukucipompa. Taufwile ukucitinta, nokucipompa. Nalimona ifingi ifya muli ifyo mpaka fila nselausha, ukupompa icintu cimo; ukwimba umwiina wa nyimbo, nokulatolauka, nangu—nangu umwiina ukalamba uwa fyalembwa kulya mu musumba, ne fishibilo fikalamba saana, “Umwaume wa nshita.”

¹²⁴ Kwabafye umu Umwaume wa nshita, noyo ni Yesu Kristu, Uli cimocine mailo, ileelo, no muyayaya. Kulifye Inkombe imo ukufuma kuli Lesa, kabili uyo ni—uyo ni Yesu Kristu. Ee, mukwai.

¹²⁵ Tamufwile uku Cipompela pa muulu, nangu ku Citintila panshi. Nangu, tefyo, tamufwile ukuilunda kuli Cena. Imwe ku Cipokelela fye, apafye. Ameni. “Nine Kafukauka ka Menshi ya mweo; mwaalisha Ine, ku kuya no kuya ipangila mwebene amatanki yamo.” Nomba tamufwile ku Cipompa, uku Cipompa, uku Citinta, no kuilunda kuli Cena, uku Ciimba, nangu cimo icashala. Mufwilefye ukubula kuli Cena, apafye.

¹²⁶ Tamulekabila ayali yonse amasambilo yabulesa aya pangwa no muntu nge cisushilo ca nsalu, nacimbi, ukumweba cinshi cipita muli Cena, fintu Cena cacita. Nakalya. Yamo amasambililo yabulesa yapangwa no muntu nangu imibele imo iya masambililo, bukapepa bwa kuilungamika muli *ici*, muli *ici*, nangu cimo icishima ica mibele ya bukapepa; imwe tamule cikabila. Cena tacifwile ukubapo. Mwabikapo icisalu pali Ako, Kena kuti kaciposa mulwelele. Kena takakwetepo nelyo cimo icakucita naco. Kena kala itungilila akene! Kena Maka yakwa Lesa yaleima mu Mweo. Cinshi cintu umuntu enga shila icintu nge Co, ku kuilunda ku mibele, cacila pafintu Ninga landa. Kena takakabila ifisalu fya fisushilo. Takakabila ico. Kena takalekabila uku shi...takalekabila ukushintilila pamfula

shapancende ku kukesusha. Kena kaba akaisula inshita yonse. Ameni.

127 Umuntu, Ine ndabomfwa ukusosa, “Ndifye mu fishala ilelo.” Oh, owe!

128 Oh, Ndi uwa nsansa ukulaikalila mu Kusangwapo kwakwa Lesa, cibe ifintu fileenda bwino nangu iyo. Ena e Mweo wandi. Ameni. Ena e Mweo wesu. Ena e Mweo, u Mweo wafulisha. Ee, mukwai. Kabili—kabili moneni fintu Cena citucitila. Amaka ya uko nokupwilika yaba mukati ka Uko. Taukabila ukupompwa ukufuma kucishima nangu iili yonse imibele.

129 Umuntu umo atila, “Ukuba, bushe nikanshi akatupa kobe akesenge? Natumone nga uli Baptisti musuma. Nalamona ngacakuti walikwata akatupa.” Nangu—nangu, “. . .umwina Pentecosti umusuma . . .ngacakuti iwe uli mwina Oneness . . . Twoness . . .Threeness.” Nangu—nangu “. . .finshi fimbipo.” Mwamona, Cena tacikabilwa kupompelamo. Cena lyonse cilatwalilila. Ee.

130 Namwishiba, Nalikwetepo ici cishima cakale, Nale pongolwela amenshi umo no kupompa no kupompa no kupompa, noyu pompi wakale, paku yafumya mulya; namwishiba, uku pongolwelamo nayambi amenshi, no kupongolwelamofye umwiina wa tushishi ne fintu, ukupompa ukufumyamo utushishi nefintu. Efintu imo mumibele iyi iya kupuputuka yaba.

131 Lelo, ndetotela Lesa, “Kuli a Kafukauka kaisushiwamo no Mulopa, uko ababembu bawilamo pesamba lya lyeshi!” Ta mupanga ba membala bamu chalichi; mupanga abena Kristu ukufuma muli bena ilyo baisesa kuli kalya Kafukauka.

132 Cinshi mungashiila a Kafukauka ka menshi ya mweo, ukuyanwa pa cishiba cafiko ngeco?

133 Takuli kupompa; amaka ya Kako yaba mukati ka Kako. Takafwaikwa ukupompelamo, ee, mukwai, ku (Kena) Uwa Kako u Mweo waba muli Kena. Ifyo efyo no Lubuto lwakwa Lesa lwaba mu mutima wa muntu. U Mweo wakwa Lesa waba mukati ka cila muntu, te mu chalichi, Muli iwe, uli muli iwe, niwe wakwata u luseke lwa Mweo muli iwe.

134 Ukusondakofye ukwa Ena kule shinina ba kashimikila ba musango na musango. Ipusheni shimapepo wa ku Katolika, ipusheni umwina Baptisti, icili conse. Ukusondakofye ukwa aka kamfukumfuku ka kalamba aka menshi yalengama, Ine ndemweba, cile shininkisha ukuti Cene e Cishinka. Umweo obe uwa nsala, ukuba, cile shininkisha ku wacilaka, nakuba. Nomba ngacakuti taulila tauleba necilaka . . .Uyu umunono Baptisti, taaleba necilaka, icakubalilapo; lelo lintu aishileba necilaka, amenshi ya umfwike bwino nganshi. Ico nacilungama, lelo ufwile uku kwata icilaka, “icilaka ce palo,” ngafintu Yesu aitile co. “Mwalipalwa ilyo muli ne nsala ne cilaka ca bulungami,

pantu mukesushiwa.” Ameni. Yesu alandile ico, mune. Ee, mukwai, Kena Kafukauka ke palo kubali ne cilaka.

¹³⁵ Cinshi umbi engafwaila uku Ka kabusha ne lungu? Kuti watemwa shani ukukabusha a kamfukumfuku na menshi ya mwilungu, ayaisulamo utushishi no kukowela kwalekanalekana ukwa masambilisho yapangwa no muntu, ayo Lesa atiile ukuti, “Ukulundako cimo ku Cebo Cakwe, nangu ukufumyapo cimo pa Fyebo Fyakwe, ulubali lwakwe luka fumishiwa mwi Buuku lya Mweo”?

¹³⁶ Kabili lintu Lesa alaile ukuti Ali nokushininkisha ici Cebo muli cila nkulo, “Pantu ubulayo buli kuli imwe naku bana benu, nakuli abo aba kutali, abo bonse abo Shikulu Lesa aketa,” cinshi ico ungala pompela pali pompi ya mibele imo iya koweshiwa pa myaka, ukufuma kuli mana wakale? Limbi mana ali bwino, takuli nangu cimo ica kususha cena, mu nshiku shakwa Martin Luther, mu nshiku sha *ici* ne nshiku sha *cilya*, nabakaalula bambi, nangu cimo pali cena; lelo uyo ni mana waponene inshita ya kale.

¹³⁷ Ngacakuti twamona muli Baibele, ukuti bena bale mutola cila bushiku. Bale senda umupya. Panuma ya yena yakokolako panono, yale bola. Tekuti ibole ukwabula ukwingililwa. Ifwile yakwata utushishi twa bulwele mukati ka iko, nangu icintu cimo uku—uku ilenga ukubola. Twalishiba ukuti efyo.

¹³⁸ Kabili efyo efyaba ne mibele! Panuma ya kuba palya ukufuma ku kupuputuka kukalamba ku kubiye, kabili ila koweshiwa kabili no kwisulamo utushishi, kabili nge cishima caisulamo tu munciloncilo, ngafintu twinga twiita, utushishi utunono utwa kulikilemo.

¹³⁹ Kabili ubo ebwafya ku kukumana naco ukwa bantu abengi ileelo. Bena ba—bena baisulamofye tu munciloncilo, ukukulika ukufuma kuli umo ukuya kuli umo, kabili umo ku mubiye, ukusosa imilumbe iyabulamo i Cishinka nakalya. Ico cacine, ukukulika ukufuma kuli umo ukuya ku mubiye. “Nali Methodist; Nailundile kuli ba Baptisti. Nali Katolika; Naile nokube *ci*. Naile nokuba *cilya*.” Nitu munciloncilo fye.

¹⁴⁰ Oh, labeni kucintu conse, no kwisa ku Kafukauka (Ameni!), Akafukauka, u Kusangwapo lyonse ukwa mweo ukwakwa Kristu! Nacetekela Ena ukuba aka shinga kama a Kafukauka ka Mweo. Mwabuulilapo nafimbi ukufuma kuli Ena, elyo kale belako akapya, elyo kale talalilako, kabili kale waminako, no kumfwika uku lowelako. Naba uwaku Mubombela nomba pa myaka amakumi yatatu na yatatu, kabili cila bushiku ubwapita alawaminako ukucila ifyo cali ubushiku bwafumako. Nshatala mba. . . Atiile tawa katala auba ne cilaka ngacakuti twanwa kuli aya Menshi. Moneni ifyo Caba icikankala. Oh!

¹⁴¹ Israeli acitile ngafintu abengi bacita ileelo, bashile a kafukauka ka menshi ya mweo, ukuya imbila ifishima.

142 Nomba ukulanda pa kusenamina pa kashitafye, uko ukusenamina kwakwa Lesa. Twalikwata amafunde na mafunde yapa ncende, “Kabili ngacakuti taulefika pali ici cipimo. . . Ine nalikwata umulingo wa bukapepa; ngacakuti taufikile palya, ufwile ukufika, teti wingilemo,” nafimbipo. Lelo Lesa atupususha ku kusenamina, te ku mulingo. Mwamona? Lelo Lesa, ukulanda pa kusenamina nomba, ifyofye ici cacitike, ukunwa kuli Ena, ukufuma kuli yu mulingo. . .

143 Uku ingw’ingw’insha, Israeli ale ingw’ingw’insha. Moneni, Ena atiile, “Nakabili Ndino kumitandalila.” Moneni mu Malembo. Moneni, Ena ali no kubeesha, uku batandalila nakabili. Uwale ingw’ingw’insha Israeli, pali Bemba wa Kashika, alaalikwe uku Mukonka ukupita mu menshi yaikaliile ayamu Egypto, ukuba abantu abantungwa. Bena bali abasha. Bena balaalikwe ukwisa ukuba abantu abantungwa, na Ena. Bafumine ukupita muli Bemba Wafwa, yu Bemba Wafwa; Bemba wa Kashika, nakuba, bafumine ukupula umo, ukwingila mu matololo, ku kuleta ukupatula pakati kabo na ba kapashanya abaleesha ukupashanyako, ukwabula ukusembululwa.

144 Oh, ico ecalengele ubwafya. Onse muli bena alobele mulya mwine mu mato- . . . , nangu, mulya mwine—mulya mwine muli bemba, Farao nabashilika bakwe. Bena bamwene abantunse baleenda ku Maka yapulamo, eico bena babwelulwike no kwesha ukupashanya cilya, ukwabula ukulundwa mwipaalo. Kabili ilyo bacitile, baalobele. Kwena kupashanya kwa ku mubili.

145 Umuntu uwesha ukucita ico, ukwesha ukupashanya icintu cimo, ninshi ena alepanga ukupashanya kwa ku mubili ukwa mwina Kristu mwinemwine.

146 Munyinane umwina India palya aliishiba ico. Kabiye ni ku Bombay kabili mukamona abantu kulya, aba Hindu nabambipo, uku lambalala pa misomali napa. . . ukwenda pa mabotolo no—no kwenda mu mulilo, ukulanga fintu bena bengacita, ne fintu nga. . . Ifyo kupashanya kwa ku muntu umo mulya mu mpanga, uulecita ico ku cakutuula ku mulungu wakwe.

147 Tulasanga ico pa bumi bonse ubwa bukapepa, ukupashanya kwa ku mubili, umo ukwesha ukuba ngo mubiye. Kulifye umo uwa kumwenako untu ufwile ukuba nga ena, uko kuba nga Yesu Kristu, Uwali i Cebo. Kabili nomba ilyo i Cebo cakwa Lesa caisa kuli iwe, cikaba munshila imo ine.

148 Lelo Lesa abatungulwile ukufikafye ku calo ca bulayo, nalyoline. Bena basangile, nabo, cila itanki, ilyo batampile ukupita mu matololo mu lwendo lwabo nomba, panuma bena ukupatukako, bena basangile ukuti cile tanki lyalikamine, kuli bena.

149 Kabili ukasanga cimo cine, munyina, lintu watampa ubu bulendo ku Calo ca bulayo. Ukasanga ifiibi nafiisalwa. Ngafintu ulya kashimikila munono asosele, umwina Anglicani, nangu

conse cintu aali, kabili, icintu cakubalilapo namwishiba, i chalichi cakwe ca mutamfishe. Mwamona, lyonse ilyo alelenga abengi ukupokelela Mupashi wa Mushilo, iyo eyali impela.

¹⁵⁰ Kabili ifwe. . . kabili Israeli asangile icintu cimo cine, nge cakumwenako, mu lwendo lwabo ku calo ca bulayo. Amatanki yonse yali kamine. Ee, ulwendo lwabo mu kunakila ku Cebo Cakwe ica bulayo, ulwendo lwabo, mu matanki, basangile namukama. Nomba bena basangile i tanki—amatanki tayali no kushintililwapo, pa lwendo.

¹⁵¹ Kabili ngacakuti uli nokuba pa lwendo mu kunakila ku Cebo cakwa Lesa, no kwesha ukuilunda kuli *ici* no kuilunda kuli *cilya*, ukasanga ukuti takuli itanki mwisonde ilinga Citungilila. Nakalya. Uli muntu pa lobe. Lesa akutungululafye munshila Ena alefwaya uku kutungulwilamo. Nomba, ifwe natusanga icintu cimo cine ileelo, na matanki yonse nayakama.

¹⁵² Nomba ubulayo, lyonse bulaba ubwa cishinka, kuli Lesa Uuli no kusunga ubulayo Bwakwe ku bantu Bakwe. Ena alaile ukubapela fyonse fintu balekabila, eico Ena acitile co. Mukati ka yabulamo, amatanki ya kama, tontonkanyenifye pali cena; na Israeli uwaleilishanya, mu ciswebebe, mu lwendo lwabo! Aitiile Uwakwe umubomfi intungulushi, kasesema Mose, kulya lubali, no kwisula akafukauka ka menshi ya mweo, ku Cilibwe ica uminwe, pakuti abana Bakwe abacetekela beloba.

¹⁵³ Muli bulya bushiku, ico cilanda pakusenamina, kuli ine. Fwe bashalingilile. Ifyo twacita, ifyo twaikela, tatuli abalinga.

¹⁵⁴ Lelo Lesa, muli buno bushiku, nga muno mwine luno lucelo, lolesheni, kuli ba Methodist, Baptisti, Presbyteriani, Katolika, na bonse, Ena aliisula a Kafukauka. Abahebere 13 ishininkishe ci, ukuti Ena umo wine mailo, ileelo, no muyayaya. Eico cena—cena cilenga icishinka, Yohane 3:16, “Pantu Lesa atemenwe calo, icakuti Apele Umwana Wakwe uwafyelwe eka, ukuti uyu onse uwa Mucetekela eonaika, lelo abe no Mweo wa muyayaya.”

¹⁵⁵ Kabili cali imishiwe ku mulandu wakuti, pantu abantu bale ingw’ingw’insha no kubembuka, kabili bale sumwa ne nsoka elyo balefwa; kabili no kwelelwa kwa membu shabo, nokundapwa kwa malwele yabo.

¹⁵⁶ Kabili ako e Kafukauka kamo kene akaisulwa kuli ifwe ileelo, kwipusukilo lyesu no kundapwa kwesu, ukundapwa kwa kumubili. “Pakuti Ee umo wine mailo, ileelo, no muyayaya.”

¹⁵⁷ Kabili Ena lintu i Cilibwe ca uminwe ukupitila mu bulayo bwa Cebo cakwa Lesa, calandile, Cena cale fumfumuna amenshi yapwililika ayabulamo ifiko; te—te yaikalila, te yakowela, lelo Ukusangwapo kwakwa Lesa Umwine. Amenshi ayapwililika, kabili capuswishe abo bonse abanwine. Nomba natwishiba ukuti ico cacine, pantu tulacibelenga mu Cipangano Cakale, nge cipasho.

158 Nomba, tamwalekabila u kucitinta, ukucipompa, ukuilunda kuli cena, ukuya mu seminali ku kusambilila ifya kucibomfya. Bena bakamweba ifya kucibomfya kulya, mwamona, “Oh, ukuba, iwe, ngacakuti wali pokelela u Mupashi wa Mushilo, ifwe twalicetekele co, lelo eico iwe—iwe ucicitile munshila *iyi*.”

159 Lelo, mwamona, takwaba kutungulula pali cena. Imwe ta muboomfya Mupashi wa Mushilo; u Mupashi wa Mushilo e uboomfya imwe, mwamona. Mwamona, tamufwile, tamufwile ukuboomfya Mupashi wa Mushilo; u Mupashi wa Mushilo ewa mukwete. I cabupe te cintu cimo cintu mubuula, ngo mwele, no kusongola pensulo nao. Ku itula wemwine kuli Lesa, no kuifumya munshila pakuti u Mupashi wa Mushilo winga kubomfya.

160 Moneni, bena tabalefwaikwa ukucipompa nangu ukucitinta, nangu bena tabalefwaikwa ukwipusha, “Nomba kuti twayabomfya shani aya menshi?” Pantu, bena baliishibe ifya kuyabomfya. Bena bali ne cilaka. Bena baliishibe ifya kucita nayo.

161 Kabili efyaba umwaume nangu umwanakashi, cinshi, nangu cibe shani icisumino nangu icilonganino ena abako. Ngacakuti ali ne cilaka ca kuli Lesa, tafwile ukubutuka ukubwelela ku seminali, ngafintu uyu munyina umwina Anglicani acitile, nangu munyina umu Britishi, ubushiku bwafumineko, ukubwelamo no kuyaipusha nishani, ku chalichi ca Anglicani, ifyo ena enga bomfya ici icabupe icikalamba cintu akwete, ukulandila mundimi, nafintu ena afwile ukucita *ici*. Bena kuti ba mutamfisha kunse, icakubalilapo. Mwamona? Ena ali ne cilaka, eico Lesa alimwiswishe fye. Eifyo fine caba. Ku kwata icilaka, elyo nomba Aisushafye.

162 Taufwile wakwata ukutungulula nelyo kumo, umuntu umo ukukweba ifyakucita na cena. Lesa ala tungulula cila muntu mu—munshila Ena afwailamo iwe ukucita. Iwe uli u—u muntu palobe, wemwine. Uli ciputulwa cakwa Lesa. Tapali nangu umo uwingasenda icifulo cobe. Kabili tapali ica kufwaila ukuya ku muntu umo, no kutila nomba, Ine mfwile “ukucita *ici* pamo na cena,” nangu Ine mfwile “ukucita *cilya* pamo na cena.” Iyoo, mukwai. Lesa acibomfya mu nshila intu—intu Ena alefwailamo. Lintu waba ne cilaka, walishiba umulingo wa kunwa.

163 Kabili ngacakuti uli ne cilaka muno lucelo, nwa kuli Cena, efyo fye ufwile ukucita. Lesa alipele nshila ku cilaka cabo, abana abali ne cilaka ukunwa kuli Ena apafye. Na Lesa napela inshila kuli cila mwaume no mwanakashi muno lucelo, uuli ne nsala ne cilaka. Limbi kuli abantu abekele pano, abashatala aba pusushiwa. Kuli abantu pano abali pa nembenembe ya kupusushiwa.

164 Kuli abantu pano, abekele pano nga bamembala ba chalichi, ulefwaya ukucita ica lungama, lelo ulenwa kwi tanki. Bena taba katale abakweba ifi Fishinka.

165 Icintu fye, kwiisa, ukubuula ubulayo bwakwa Lesa no kwisa kuli kalya Kafukauka, nomba Ena akapwisha icilaka. “Uyo uwanwa kuli aka Kafukauka takabale aba ne cilaka nakabili.”

166 Moneni nomba ifyo—ifyo Ena alubwile Abakwe—Abakwe abapokelele aya menshi, ku kusenamina, kabili teku mibele nangu icishima ca masambililo. Ena alashininkisha i Cebo Cakwe, ebutala bupela-u Mweo. Nibanga muno abeshibe ukuti mwapokelele Umweo lintu mwasendele cilya Cebo na menshi Yakwe, ukwishibafye ukuti mwapokelele Umweo?

167 Natubuule, ukuba, tutiile, cimbifye ica kumwenako, nangu fibili, kabili nomba Nalaisala pa kashitafye. Ine—Ine mfwile ukukwata lilya i pitawa apantu pamo. Lelo moneni. Ine ndetwalililafye ukulanda, lelo Nshilepilibula ukucitefyo. Moneni, natubuule nge cakumwenako, abantu fye babili.

168 Natubuule umwanakashi pa cishima cakwa Yakobo, icishima ica imbilwe. Ena ali naikala palya. Efyo fye umwanakashi aishibe, niici cishima kuntu aleisa mu kutapa amenshi. Kabili lubali lwa cishima umwanakashi asangile, nga mucikope palya, u Mwaume naikala palya, umu Yuda. Kabili umwanakashi ali mwina Samaria, ena musumba waku Sychar. Kabili twasanga ukuti uyu Mwaume, uyu umu Yuda, alandile i Cebo icaibela kuli uyu mwanakashi, atiile, “U Ndeteleko ica kunwa.”

169 Umwanakashi atiile nomba, “Twalipatulukana. Cena tacili—tacili icalungama kuli Iwe ukunjipusha ilipusho ngefyo; Iwe ukuba umu Yuda, naine ukuba umu Samaria.”

170 Ena atiile, “Lelo ngacakuti walishibe Untu walelanda nao, kuti walomba Ine ku cakunwa, na Ine kuti nakupela amenshi ukuti tetiwise kuli ici cishima ku kunwa; kuti kaba kafukauka ka menshi akalefukauka muli iwe.” Moneni ilyo umwanakashi asangile ukuti ici cashininkishiwe ukuba i Cishinka!

171 Nomba, icakubalilapo, umuntu uuli onse nga alandile ico. Lelo umwanakashi atiile, “Imwe mutila shinshimwini mu Yerusalemu, na ifwe tu shinshimwina muli ulu lupili.”

172 Ena atiile, “Ipusukilo lya kuba Yuda. Ifwe twalishiba cintu twacetekela. Lelo,” atiile, “leka Nkwebe icintu cimo,” mu mashiwi ngaya, “temulupili ulu, nangu ku Yerusalemu. Inshita ileisa ilyo umuntu akapepa Lesa mu Mupashi na mu Cishinka, pantu Taata afwaya aba musangoyo.” Ena atiile, “Kabiye kalete umulume obe no kwisa kuno.” Moneni, apa cena ca cishininkishe. Apa ukulanga kamfukumfuku nshi umwanakashi alipo. Atiile, “Kabiye kalete umulume obe no kwisa kuno.”

Umwanakashi atiile, “Nshakwatapo umulume.”

173 Ena atiile, “Walanda icishinka.” Mwamona, camoneke kwati kupusana ku cintu Amwipwishe, nokutila, “Kabiye kaleta umulume obe.”

Atiile, “Nshakwata umulume.”

174 Atiile, “Walanda icishinka.” Atiile, “Pantu waba na basano, na untu uleikala nankwe nomba te obe.”

175 Moneni ulya mwanakashi, ifyo apusene na bashimapepo ba ilya nshita! Bashimapepo ba ilya nshita bamwene icintu cimocine ukucitika, nokutiila, “Ulya ni ciwa, kubelenga amatontonkanyo, nangu—nangu u Mupashi wakowela uukalamba.” Mwamona, bena bafilililwe ukumona i Cebo ukulaya ico.

176 Lelo ulya mwanakashi alishibe a Malembo ukucila uuli onse muli bashimapepo. Atiile, “Mukwai, Ndemona ukuti Nimwe kasesema. Ta twakwatapo nelyo umo pa myaka imyanda ine, ukutula muli Malaki. Lelo,” atiile, “twaba abalolela umo, kabili natwishiba kuli Umo uuleisa, Messiya. Kabili nga Ena aisa, ifi e fintu Ali nokucita.”

Yesu atiile, “Nine Ena.” Ameni.

177 Bushe mwalimona, umwanakashi ashiile imbeketi yakwe pa cishima cakwa Yakobo, nokubutukila mu musumba; naisulamo na kafukauka! Umwanakashi amwene cena ukushininkishiwa bwinobwino, kabili Ena ali kalya Kafukauka ka Mweo. Lekenine ine mulondolole kuli imwe. Umwanakashi ashile cilya; ilyo Ena ashininkishiwe ukuba i Cebo ca Mweo. Umwanakashi acishiile; kabili asangile ukuti i Cilibwe cimocine, ica uminwe mu matololo, ca shininkishiwe ukusangwapo nomba.

178 Lekenine nsose, ulya umo wine Lesa uwali munshiku ishapita, untu tulandapo nganshi, Ali pano nomba; te kupitila mukwishiba kwa masambililo yabulesa, lelo ukupitila mu kwishiba kwa muntu palwakwe ukwa kushinkisha Kwakwe ukuti Ena akapongolola muli ishi inshiku shakulekelesha, u Mupashi wa Mushilo pa chalichi Cakwe. Ena tali ni “Ine nali.” Ena acili ni “NABA,” insoso ya kubapo, lyonse.

179 Nomba icishima calilufya ukumfwika kwa ciko. Kabili e fiba no muntu onse uutala awila mu maka yakwa Lesa, ukupitila mu Mupashi wa Mushilo, imibele ya filonganino ilalufya ukumfwika kwa ico. Ta ulefwaya nafimbipo ifya filya fyula fyaikalila, na bamalinso, no tushiishi, nafimbipo. Iwe ulenwa ukufuma mu Kafukauka akapya kabili akapwililika, i Cebo cakwa Lesa, icipya cila ora mu mweo obe. Cimo cine nga nomba, ilyo i Cebo cashininkishiwa ukuba i Cishinka, sonda no kumona ngacakuti te cacine.

180 Nangu icishima cabombele iyaciko bwino, ukubomba inshita yaciko bwino; lelo, mwamona, a Kafukauka ka Mweo epo kaali, te cishima cakwa Yakobo nakabili, ku kunwa kwa ku mupashi.

Fintu bena baletontonkanya, ngacakuti banwine ukufuma muli cilya cishima, cinshi, kuti caba bwino; lelo nomba a Kafukauka ka Mweo Akene kaikela palya.

¹⁸¹ Nomba ifwe ta tulekabila imibele no tubungwe fintu twakwete. Tuli pa mpela ta nshita. Na Lesa alaile, muli iyi nshita ya mpela, ifintu Ena ali nokucita. Kabili tulemona fyena ukufikilishiwa, ku Cebo. Tuleumfwa abaume ba fita fikalamba, ukwiminina, noku tutuma, no kutiila, bena, “Icintu cimo cili mupepi no kucitika.” Tuleumfwa u Mupashi wa Mushilo ukutusoka ukuti icintu cimo cili mupepi no kucitika. Tulemona ifintu fyonse fili mu mutande. Kanshi, sheni iyo mibele no kwisa ku Kafukauka. Ee, mukwai.

¹⁸² Cabombebele umulimo wa ciko, lelo nomba umwanakashi ali icinso ne cinso na Kafukauka Akene.

¹⁸³ Muli Yohane 7:37-38, Yesu atiile mu nshiku sha kulekelesha isha kusefya kwa mahema (finshi fintu Ena alandile?), “Ngacakuti umuntu uuli onse aumfwa icilaka, na ese kuli Ine, no kunwa.” Pakati fye ke bumba lya bakasambilila bafya bulesa! “Ngacakuti umuntu uuli onse aumfwa icilaka, na ese kuli Ine, no kunwa. Pakuti a Malembo yatiila, ukufuma mukati nankati kakwe mukafuma utumana twa Menshi ya mweo.”

¹⁸⁴ Ako apo a Kafukauka ka mweo. Ako e Kafukauka kantu abantu basuula ileelo. Ukuya ku cisumino, bena basuula a Kafukauka ka Menshi ya mweo. Lekenine milondolole kuli Ena. Ena, kuli ine. . . Elyo Nalaisala.

¹⁸⁵ Ena, kuli ine, e kalya Kafukauka ka puswishe umweo wakwa Hagari, no mwana, lintu balefwa mu matololo.

¹⁸⁶ Ndecetekela Ena e cilya Cilibwe, muli Esaya 32, Ena e cilya Cilibwe mu ncende ya naka. Ena e cintelelwe mu nshita ya cipuupu.

¹⁸⁷ Zakaria 13, Ena e Kafukauka akaisulwa mu Ng’anda yakwa Davidi, ku membu. Nacetekela Ena ukubefyo. Tamucitefyo?

¹⁸⁸ Mu Malumbo 36:9, Ena kafukauka ka Mweo kakwa Davidi. Ena e Menshi yatalala ayakwa Davidi, no mulemfwe walemba. Ena e Menshi kumbali ya mulonga, wakwa Davidi.

¹⁸⁹ Mu Kutendeka 17, Ena e bele lya konkako Abrahamu, Elu Shadai. Lelo lintu umweo wakwe wafumine muli ena, nalyo line ena. . . Lesa atiile.

¹⁹⁰ “Umwaume wa myaka umwanda umo, cikaba shani ici cintu? Ine ninkota, umukashi wandi nakota, fikaba shani ifi fintu?”

¹⁹¹ Ena atiile, “Nine El Shaddai.” Nomba, *Elu* ekuti “a,” na—na *Shadai* ekuti “mabele,” kabili Shadai e mubwingi, icipilibula “Nine Lesa wa mabele.”

192 Kwati kanya akalelilalila kabili nakalwala, na maka ya kako nayafuma muli kena, uku shintilila pa cifuba cakwa nyina no konka ukubweshwa amaka ya kako. Cinecine. Te ifyofye. . . Lintu kaleonka, takalila nakabili. Kwibele lyakwa nyina, kena nakekushiwa lintu kalepokelela amaka yakako.

193 No muntu onse uuka senda ubulayo bwakwa Lesa mu mutima wakwe, ukuti, “Ubulayo buli kuli imwe, na ku bana benu, abo aba kutali, bonse abo Shikulu Lesa wesu aketa,” no kushintililafye pali ico no konka uku bweshwa amaka yobe. We mwana ulelila, ci cetekele! Cena caku bacetekela.

194 Kuli kashika wa cetekela, Ine kuti natontonkanya pa nyimbo ishingi shintu ba kashika batushikiile. Kwali umo muli bena uwatile inshita imo, Ena:

Kuli a Kafukauka kaisulamo no Mulopa,
Ukufuma mu mishipa yakwa Imanueli,
Lintu a babembu bawilamo pesamba lya
lyeshi,
Balufya konse ukutolela kwa kushininwa.

Ulya mupuupu walefwa ayangile pa kumona
Kalya Kafukauka mu bushiku bwakwe;
Kulya shi Naine, nangu mbipe nga ena,
Nsambwe imembu shandi shonse.

Kabili ukutulafye ku cicetekelo Ine namwene
kalya kamulonga
Ifilonda fyenu fyaleswa kukupela,
Icitemwiko ca kulubula lwaba e lwimbo
lwandi,
Kabili lukaba mpaka Nkafwe.

195 Kuli ine, Ena e Menshi ya Cebo aya Kupatula, aya patula iwe ku fintu fyonse ifya pusana ku Cebo Cakwe. Ako e Kafukauka Nacetekela Ena ukuba. Ee, mukwai. Ayo, E Menshi ya mpatwiile ukufuma ku fishima fyapangwa no muntu, ukuya ku Kafukauka ka Menshi ya mweo. Oh, mune, Ine kutifye. . . Kuti watwalililafye, ne fintu ifyo—ifyo Ena aaba kuli ifwe! Ena ni Alufa, Omega. Ena Kutendeka, Ena e Mpela. Ena e Uyo uwali, uuli, kabili uukesa. Ena e Mushila no Bufyashi bwakwa Davidi. Ena e Lutanda lwa Lucelo. Ena e Onse muli fyonse uwandi.

196 Kabili, munyina, nkashi, ngacakuti tawabala aukwata i—i. . . Waikalila ukunwafye muli aka katanki kapangwa no muntu, ubumi bobo bonse, cinshi muno lucelo teti usuulile ilyo itanki no kwisa kuli aka Kafukauka?

197 Natu kontamike imitwe yesu pa kashita. Ne mitwe yenu iya kontama. . . [Umo nkashi atampa ukwimbila mu lulimi lumbi. Tapali mashiwi pa ciputulwa ca tepu—Kale.] . . . ku kuntontonkanya kwandi, ubwiite ku cintamba. Nibanga nombamba?

198 Na—Na cisakamana, Na—Na cimisunga inshita nkalamba, cacilenga ine uku putaula imbila yandi mu fipimfya. Lelo Ine ndecetekela Mupashi wa Mushilo alefwaya imwe ukumfwa ifyo Ndepilibula. Moneni, takuli icikankala nganshi muli buno bushiku ukucila pa kulungama na Lesa; mwamona, amalila yesu, conse ico cingaba, cinshi conse. Ali pano Shikulu. Nomba, Ine naumfwafye ico nalimo umuku umo mu bumi bwandi, mpaka ino nshita.

199 Nomba nimu musangi nshi... bonse imwe muno, te “nibanga.” Bonse imwe muno abalefwaya ukunwa kuli Ako, imininenifye pali mineti, kwipepo fye. Lesa amupale. Amupale Shikulu.

200 Nomba nibanga muno, a—abo abeminine abali pano nomba, abenga tiila, ku kwimya kwa kuboko nge *fi*, “Lesu, iseni pali ine, njisusheni fye, lekeni inwe kuli aka Kamfukumfuku. Kabili Nshacitafye icalungama, lelo Nde—Ndefwaya Imwe ukunjelela pali cena. Ndefwaya Imwe ukusamba imembu shandi. Kabili lekeni—lekeni—lekeni ine, ukutula buno bushiku, fye...”? Loleshenifye! Owe!

Kuli a Kafukauka akeswilemo u Mulopa,
Ukufuma mu mishipa yakwa Imanuele,
Na babembu bawilamo pesamba lya lyeshi,
Bafumyapo amantoni ntoni yakusekwa.
Bafumyapo amantoni ntoni yakusekwa,
Bafumyapo amantoni ntoni yakusekwa;
Na babembu bawilamo pesamba lya lyeshi,
Bafumyapo amantoni ntoni yakusekwa.

201 Nomba apo, iwe we uli umwina Kristu uwacetekela, we wapokelela Kristu ngo Mupusushi obe, lelo taulati... Nomba ngacakuti tawakwata, ako akali Kamfukumfuku. Kamofye kantu Ine naishibapo ni kalya Kamfukumfuku ukufuma mu mishipa yakwa Imanuele. Nomba, ngacakuti mwebengi muli imwe muno...

202 Cili ngafintu Nalelanda bumbi ubushiku palwa aka ka kapumpe kaleenda mu lubansa lwa butala pamo ne nkoko. Kabili kena takaishibe nangu cimo icashala kano inkoko, lelo kena kaliishibe kwali icintu cimo pali kena icapusene ku nkoko. Elyo nomba nyina wa kako aishile alekafwaya, kabili apundile ukufuma mu muulu. Kwali kwiita kwakwa kapumpe. Mwamona, ena ali nokuba kapumpe, icakubalilapo, ngateifyo nga taishibe kulya kwiita. Mwamona, ena...

203 Kufwile kwaba icintu cimo mulya, icabikwamo ubumi, ngateifyo teti cilete Umweo. Kabili ngacakuti u Lubuto, i Cebo cakwa Lesa, luli muli iwe, u Mupashi wa Mushilo uli pano nomba kuku bikamo ubumi no ku Cilenga ukuba icituntulu kuli iwe.

204 Nibanga muno a bashapokelela ulubatisho lwa Mupashi wa Mushilo, kuti mwaimyako amaboko yenu? Konse

ukushinguluka, konsefye, ukubafye abacishinka nganshi, ngacakuti tawa pokelela u Mupashi wa Mushilo, elyo kuti watemwa uku ukwata, imya ukuboko kobe. Konse kuntu uli, beni abaiminika ukuboko kwenu, pa kashitafye.

²⁰⁵ Nomba Ine ndefwaya, imwe mwebeminine mumbali kabili abale balolesha, Ndefwaya umuntu umu ukubika amaboko yobe pali bena.

²⁰⁶ Ine nincetekela ili line u Mupashi wa Mushilo walaisusha onse muli imwe uule Ukabila. Nomba mwilatontonkanya palwa fyakulya kunse kulya mu kafetelya. Natutontonkanye pali ici Icakulya muno. Ici Eco. Uyu e Mweo. Mwamona, uyu e Mweo.

²⁰⁷ Nomba pilibukeni, cila umu muli imwe, nokubika ukuboko umu pa munankwe. “Kabili babike amaboko yabo pali bena!” Nomba Ndefwaya imwe ukupepelako uyo muntu mubikilepo ukuboko. . .

²⁰⁸ Nomba mwitontonkanya palwa kufumina panse. Mwitontonkanya nelyo pacintu cimbi. Tontonkanyenifye, nomba line, u Mupashi wa Mushilo uli pano ku kwisusha cila muntu. Isuleni imitima yenu, longololenimo yonse amenshi yamu cishima, no kutiila, “Mwe Kamfukumfuku ka Mweo, iseni muli ine. Njisusheni, Mwe Shikulu Lesa, no busuma Bwenu no luse.”

²⁰⁹ Shikulu Yesu, kalya Kamfukumfuku kashinga kama! Na pepa, Lesa, ukuti Mwalaisusha cila umu muli bena. Leken i Mupashi wa Mushilo awile pano. Na pepa, Lesa, ukuti twingalaba fyonse pa fili fyonse ifyashala; ukuti u Mupashi wa Mushilo uwile pakati kesu, apa pene, no kupela kuli ifwe yalya Menshi ya Mweo, apafye, ukufuma konse. Cipeleni, Mwe Lesa. Ilyo u—ukutwalilila kwa mapepo no lwimbo, file ampana pamo, Shikulu, ukwishiba ukuti uko Kusangwapo Kwenu, Ukusangwapo Kwenu Ukwashila, tulefwaya ukwisa ku Kamfukumfuku. Tulefwaya icituntulu, ulwine lwine ulubatishe no Mupashi wa Mushilo. Shikulu, aba bantu bale pepela pali Wena. Na pepa ukuti, pali ino ine nshita nomba, ukuti bena bala isushiwa nobu busuma bwakwa Lesa. Cipeleni, Mwe Lesa. Umfweni ipepo lya bana Benu. Leken i Mwise pali bena, lekeni a Maka yakwa Lesa, namaka ya Mupashi wa Mushilo, fipyange pali bena. Cisuminisheni ico, mwe Lesa.

²¹⁰ O ifyo twa Mutotela paku lenga cipya cipya, Pakubapo kwakwa Lesa wamaka uwamu Muulu, uwiminine pakati kesu! Pano pene munshita ino iyacungulo, Shikulu, tulisheni! Shikulu, tulefwaya Ifyakulya ukufuma pe tebulo Lyenu. Tulisheni, Shikulu, nomba line. Tulisheni na Mupashi wa Mushilo, mu myeo yesu. Imyeo yesu iya nsala iyauma ili ne cilaka. Ngafintu Mwacilanda mukwilula kwa lwimbo, “Cena cilepongolola amenshi pa mushili wauma.” Leken i cicitike, Shikulu. Leken i Ifyebo Fyenu fisokololwe mumitima ya bana Benu, “Amenshi ukubikwa apauma, pamushili uwauma.” Lesa mweba Muyayaya,

umfweni ipepo ilya mubomfi Wenu, kabili peleni kuli ifwe lilya Ipalo. Amenii.

Oh, ifyo Namutemwa Ye- . . .

²¹¹ Twalililenipofye ukula Mulumbanya ena nomba. Sangeni, Mupashi wa Mushilo pano. Ngacakutila tamu Upokekelele, wena mulandu wenu.

Ifyo Namutemwa Yesu,

“Bushe iwe wali Ntemwa ukucila aba?”

. . . temwa Yesu,

Pantu Ena ewabalilepo ukuntemwa.

Oh, ifyo Ine natemwa . . . (Amalumbo kuli Lesa!)

Oh, ifyo Namutemwa . . . (Nga ngacakuti Aisa pali kano kene kashita?)

Oh, ifyo Namutemwa Yesu,

Pantu Ena ewabalilepo ukuntemwa.

Ine nshakatale Musuula,

Ine nshakatale Musuula,

Ine nshakatale Musuula,

Pantu Ena ewabalilepo ukuntemwa.

Musuma, musuma, Yesu kuli ine,

Ni Kapanda wa mano, Cilolo wa Mutende, Lesa wa Maka e Wena;

Oh, ukumpususha, ukusunga ukufuma kulubembu lonse nefya nsoni,

Musuma Kalubula wandi, lumbanyeni Iyakwe . . .

²¹² Natwimbe ulo kuli Ena nomba!

Musuma, musuma, Yesu kuli ine,

Kapanda wa mano, Cilolo wa Mutende, Lesa uwa Maka e Wena;

Oh, ukumpususha, ukunsunga ukufuma kulubembu lonse nefya nsoni,

Musuma Umulubushi wandi, lumbanyeni i Shina Lyakwe!

²¹³ Bonse abo abaumfwa ico, landeni ukuti “Amenii.” [Ulukuta lwatila, “Amenii.”—Kale.] Oh, aleluya! Namona abantu bamo baisesa nomba, na Mupashi wa Mushilo.

Nali pamukumo uwaluba, nomba Nimbwela, umuntungwa ukufuma mukusekwa,

Yesu alepela ubuntungwa ne pusukilo lyapwililika;

Uku mpususha, ukunsunga ukufuma ku lubembu lonse nefya nsoni,

Musuma Umulubushi wandi, lumbanyeni . . .

Natwimye amaboko yesu nomba kabili icine cine ukulu- . . .

Oh, musuma, musuma, Yesu kuli ine,
E Kapanda wa mano, Cilolo wa Mutende, Lesa
wa Maka e Wena;
Oh, uku mpususha, ukunsunga ukufuma ku
lubembu lonse nefya nsoni,
Musuma Umulubushi wandi, lumbanyeni i
Shina Lyakwe.

²¹⁴ Bushe mwali Mutemwa? Oh, musuma! Amalumbo kube kuli kalya Kamfukumfuku kaisushiwamo no Mulopa, umo abasambi balufya umwenso onse uwa muntu, konse ukusekwa, ukubafye abantungwa muli Ena. Aleluya! Oh, owe, ico cisuma nganshi!

²¹⁵ Nomba ilyo tuleimba ulo nakabili, natu leke bonse ba Methodist, Baptist, Katolika, Presbiteriani, cinshi aali, ilyo tuleimba ulu, “Musuma, Yesu kuli ine,” natupilibuke fye no kuposhanya mumaboko cila umo no munankwe, kwatenifye ukusankana kwakale ukusuma. Namwishiba, Ine, ifyo efyo Natemwa. Aleni, natulwimbe nomba ngafintu tucita.

Oh, musuma, musuma, Yesu kuli ine,

²¹⁶ [Munyina Demos Shakarian alanda kuli Munyina Branham, “Munyina Branham, Napokelela ili line amashiwi pali Kateka Johnson, bamubutushisha ku cipatala no kusanswa kwa mutima, nalimo tufwile uku mupepelako na ku calo cesu.” Umo atiila, “Natuloleleko mineti umo.”—Kale.]

Icakupapusha, Yesu kuli, (ico nacilungama)
Oh, Kasansamusha, Cilolo wa Mutende,

²¹⁷ [Munyina Shakarian nakabili alanda kuli Munyina Branham, “Njeleleniko, njeleleniko nakabili, mulefwaya ukwikila pali mineti?” Munyina Earl Prickett alatungulula ulukuta mu kwimba, *Icakupapusha*. Tapali mashiwi pali tepu. Ulukuta lwalimba *Kwaliba U Mumana Wa Mweo*. Napambi apabula amashiwi pali tepu—Kale.]

Baibele yatiila, “Pepeleniko abo ababa mu butungulushi.”

²¹⁸ Uwesu Taata wamu Muulu, natwiminina mukukabila nganshi kwaku ntungulushi ya calo cesu, Kateeka wesu. Ena limbi tekuti eshibe ici, Shikulu, lelo Imwe namucishiba. Nalombelako Munyina Johnson, ngafintu alanda ukuba uwa cetekela muli Imwe. Kabili, Taata, umutima ukuleka ukubomba bwino, ifwe twaumfwa, naku mwikata. Napepa, mwe Lesa, bakilileni umweo wakwe. Natufika pa—pabwafya bwa calo conse pali ino ine nshita, nangu cibe ifyo. Kabili lekeni u Mupashi Wenu wise pali ena, mwe Shikulu. Kabili ili line, mu cipatala nangu konse kuntu ena engaba, no kuleka u Mupashi Wenu wikile kuli cilya Cipatala ca Walter Reed no kukumya umubili wakwe, ukubakilila umweo wakwe. Shikulu, uyu mwaume na titikishiwa, ukutitikishiwa ukucila pafyo twishibe.

Eico twapepa, Lesa, nga bacetekela kabili nge ciputulwa ca cino calo, twapepelako intungulushi yesu, ukuti Imwe mwalapela kuli ena ukulundwako kwa mweo, muli ino nsa nkalamba, mwi Shina lyakwa Yesu Kristu. Ameni.



IFISHIMA FYATOBKA BEM65-0123

(Broken Cisterns)

Iyi Mbila na Munyina William Marrion Branham yaletelwe intendekelo mu Cingeleshi pali Cibelushi ulucelo, Akabengele kanono 23, 1965, ku mwikulo waba Full Gospel Business Men's Fellowship International pa Ramada Inn mu Phoenix, Arizona, U.S.A., yafumishiwa muli tape iyambulwa kabili nalilembwa ukwabulo ukulundamo mu Cingeleshi. Uku ukwilula kwa mu Cibemba kwa lembelwe no kupelwa na ba Voice Of God Recordings.

BEMBA

©2022 VGR, ALL RIGHTS RESERVED

VOICE OF GOD RECORDINGS

P.O. Box 950, JEFFERSONVILLE, INDIANA 47131 U.S.A.

www.branham.org

Icishibisho ukufuma ku mwine kalemba

Insambu shonse tashisuminishiwe. Ili buku kuti lya lembwa pali pulinta yapa ng'anda ku kubomfya kwa muntu pa lwakwe nangu ukupela, ukwabula amalipilo, nge cipe caku sabankanya Imbila nsuma iya kwa Yesu Kristu. Ili buku tekuti lishitishiwe, ukulembululwamo ayengi, ukubikwa pa mwela, ukusungila muli ba mashini, ukwalula mu ndimi shimbi, nangu ukuli bomfya ku kulomba indalama ukwabula insambu shalembwa na ba Voice Of God Recordings®.

Nga mulefwaya ukwishibilapo nafimbi nangu ukufwaya na fimbi ifyabapo, twalomba tumeni kuli ba:

VOICE OF GOD RECORDINGS
P.O. BOX 950, JEFFERSONVILLE, INDIANA 47131 U.S.A.
www.branham.org